

S T E N O G R A M
7. Hitne sjednice Skupštine Kantona Sarajevo
Održane u četvrtak, 23.12.2014. godine,
sa početkom rada u 10,00 sati

Predsjedavajuća:

Dame i gospodo, poštovane kolegice i kolege poslanici,

Otvaram 7. Hitnu sjednicu Skupštine Kantona Sarajevo.

Pozdravljam sve uvažene kolege i kolegice, članove Vlade i uvažene goste, kao i predstavnike medija koji prate rad današnje sjednice.

U ime svih nas upućujem pozdrave i cijenjenim gledaocima Televizije Kantona Sarajevo.

Prije nego što krenemo sa radom dozvolite mi da iskoristim priliku da našem kolegi poslaniku Kenanu Ademoviću uputim u ime svih nas i to s velikim zadovoljstvom čestitku na uspješno odbranjenoj doktorskoj disertaciji i sticanju naučnog zvanja doktora pravnih nauka. On je jako jako skroman, on je jedan skromni mladić koji je to držao od svih vas kolega u tajnosti više od mjesec dana.

Prema evidenciji Službe, sjednici prisustvuju 32 poslanika, što je dovoljan broj za punovažan rad i odlučivanje.

Izostanak sa ove sjednice opravdali su gđa Edina Papo i gospodin Dževad Rađo.

Dakle, dana 16.01.2014.godine premijer Vlade Kantona Sarajevo uputio je Zahtjev Komisiji za izbor i imenovanja Skupštine Kantona Sarajevo da po hitnoj proceduri razmotri dostavljeni prijedlog za imenovanje ministra za obrazovanje, nauku i mlade Kantona Sarajevo.

U tom smislu, Kolegij Skupštine je dana 17.01.2014.godine održao sjednicu i jednoglasno podržao zahtjev za održavanje Hitne sjednice Skupštine po ovom Zahtjevu, te utvrdio termin održavanja 7. Hitne sjednice Skupštine Kantona Sarajavo za današnji dan, četvrtak 23.01.2014. godine sa početkom u 10,00 sati.

Shodno Poslovniku dnevni red hitnih sjednica utvrđuje Skupština pa vam je Kolegij pripremio prijedlog Dnevnog reda sa jednom tačkom koja glasi:

1. Prijedlog odluke o potvrđivanju imenovanja ministra Ministarstva za obrazovanje, nauku i mlade Kantona Sarajevo

To je prijedlog koji je došao sa Kolegija. Ima li još nekih prijedloga? Ne. Onda molim poslanike da se izjasne o Predloženom dnevnom redu.

A pardon, evo premijer ima prijedlog za dopunu dnevnog reda. Izvolite premijeru.

Premijer Suad Zeljković:

Hvala lijepo gospodo predsjedavajuća. Uvaženo predsjedništvo, uvaženi zastupnici, gosti, članovi Vlade, mediji, građani Kantona Sarajevo.

Prije svega želim da uputim izvinjenje za kašnjenje. Dakle Vlada jeste zakasnila sa svojim dolaskom ali to nije bio izraz volje bilo kakvog drugog razloga nego hitna sjednica Vlade Kantona koja je još u toku zbog potrebe da se da odnosno da se riješi problem u Grasu davanjem odluke da se skine hipoteka sa jednog dijela i da se da hipoteka na drugi dio da ne bi došlo do blokade računa u Grasu. Dakle skoro svakodnevno smo izloženi takvoj vrsti problema sa energentima, strujom, gasom i to su operativne stvari koje traže da se izvršna vlast suočava s njima. Zašto ovo govorim? Zbog potrebe da se upravo reaguje na hitan način i da se ova Hitna sjednica iskoristi. I ja vas molim ukoliko to Poslovnik to dozvoljava da se uvrsti tačka dnevnog reda koja će biti izdefinisana na način da Skupština odobri odluku Vlade ili da saglasnost da to bude odluka Skupštine koja tretira ovo pitanje koje će ustvari omogućiti da ne dođe do blokade ponovne blokade računa Grasa od strane Uprave za indirektno oporezivanje. Materijal je u pripremi i bit će za nekih desetak minuta. Pa evo molba u tom smislu da se doda još jedna tačka. Odluka je naravno na vama. Hvala lijepo.

Predsjedavajuća:

Hvala premijeru. Dakle ako smo mi ovdje to dobro razumjeli vi predlažete da kao drugu tačku usvojimo Razmatranje prijedloga Vlade, odnosno potvrđivanje odluke Vlade o zahtjevu Grasa vezano za promjenu hipoteke. I u tom smislu ako se Skupština izjasni za vaš prijedlog, dobit će u roku od desetak minuta i materijal po toj drugoj tački. Ja se nadam da su kolege ovo primile k znanju pa vas molim da se izjasnimo o. A kolegistica Bajramović, izvolite.

Poslanik/zastupnik Segmedina Srna Bajramović:

Zahvaljujem uvažena predsjedavajuća. Dobro jutro želim svima. Pa evo ja bih zamolila da prije nego uopće počnemo pričati o dnevnom redu zamolila bih sekretara Skupštine da mi kaže, odnosno da mi pojasni u Poslovniku gdje stoji precizno odakle zapravo crpите pravni osnov za današnju hitnu sjednicu jer ja ovdje hitnost ne vidim i smatram da je prvobitna tačka izbor novog ministra obrazovanja mogla biti sastavnim dijelom redovne sjednice. Ali evo, možda griješim pa mi vi ukažite na to. Koji je to član Poslovnika gdje je sadržan pravni osnov za organizaciju ove hitne sjednice? Dakle, uvjerite me molim vas da je ovo hitna sjednica i gdje crpите pravni osnov za njeno sazivanje? Protumačite mi to gdje je to predviđeno Poslovníkom prije nego pristupimo uopće izjašnjavanju o dnevnom redu.

Sekretar Abid Kolašinac:

Uvažene zastupnice i zastupnici, uvaženi premijeru, ministri, gosti, sve vas pozdravljam. Dakle Kolegij je raspravljao po zahtjevu premijera vezano za sazivanje hitne sjednice i utvrdio da ima osnov za sazivanje hitne sjednice. Dakle član 65 i član 71 našeg Poslovnika je precizno rekao kada i u kojim slučajevima se saziva hitna sjednica. U konkretnom slučaju kada je u pitanju imenovanje ministra obrazovanja, nauke i mladih utvrđeno je da ne bi nastupila šteta određena u kantonu odnosno u Vladi neophodno je sazvati hitnu sjednicu i izvršiti imenovanje. Normalno na vama je na zastupnicima hoćete li potvrditi odluku o imenovanju ili ne. Dakle, u samom Ministarstvu stao je život praktično što se tiče potpisivanja naloga svih vezano za isplate, plate itd. da ne ulazimo u detalje što se tiče ministarstva. Izrada budžeta je sada u toku i neophodno je da ministar obrazovanja učestvuje u izradi tog budžeta za 2014 godinu obzirom da se radi o stavci koja je najveća u budžetu, što se tiče sredstava za 2014 godinu. Dakle to je pomno analizirao Kolegij i utvrdio je da je neophodno sazvati hitnu sjednicu i da ova sjednica odnosno tačka dnevnog reda ima karakter hitnosti. Dakle u članu 71. čitat ću zadnji stav tog člana, rečeno

je: Izuzetno u okolnostima opasnosti po javnu sigurnost, sigurnost građana širih razmjera elementarnih nepogoda, velikih šteta za imovinu, ovo velikih šteta za imovinu, konkretno podvlačim konkretno što može nastupiti iz razloga što u Ministarstvu obrazovanja nema ovlaštenog lica za potpisivanje. Kada je u pitanju nalozi za plaćanje itd. Da nastavim čitanjem ovog člana od stava 4. epidemije i slično, predsjedavajuća može da sazove sjednicu u kraćim rokovima od onih predviđenih Poslovníkom. A dnevni red za ovu sjednicu predlaže se na samoj sjednici koja je hitnog karaktera. Konačnu odluku po utvrđivanju hitnog karaktera sjednice Skupštine donosi Kologij Skupštine. Dakle, Kologij je donio odluku o hitnosti. Utvrdio je ovdje apsolutno nismo više u situaciji da možemo raspravljati jel ima osnova za hitnost ili nema. Utvrđena je hitnost, zakazana je sjednica. Druga tačka dnevnog reda koja je data, premijer je pojasnio da može nastupiti ozbiljna šteta da se blokira Gras, da bi praktično stao javni prevoz u Kanton Sarajevo. Da ne bi doživjeli situaciju koju smo do sada imali priliku da imamo. Dakle neophodno je i ovu drugu tačku uvrstiti u dnevni red. Toliko i hvala.

Poslanik/zastupnik Segmedina Srna:

Zahvaljujem uvaženom sekretaru. Vi ste naravno pravnik iako se možda i ne slažem s vama, ja ću to prihvatiti. Vi ste ovlaštena osoba. Jasno je meni da je Kologij predložio ovaj dnevni red i naravno uopće se moje pitanje nije odnosilo na prijedlog premijera za uvrštavanje dodatne tačke dnevnog reda ali koliko mi je poznato da imenovanje nedostajućeg ministra od 13 članova Vlade, ima ih sada 12, šta je taj jedan u smislu da se ne može donijeti budžet? Premijer, hoću da se vratim na Zakon o Vladi, koji kaže da ako nema ministra, ministarstvom rukovodi sekretar koji samo nema pravo glasa na sjednici Vlade. U svemu ostalom je ministar. Zapravo ja i nisam dobila jasan pravni osnov za tumačenje. Vi ste meni prepričavali šta se događalo na Kologiju. Ja to znam. Ali od vas kao sekretara sam upravo tražila pravni osnov.

Sekretar Abid Kolašinac:

Evo ja ću dodatno ako, ja se izvinjavam, nisam prepričavao nego sam pročitao šta je napisano u Poslovník. Dakle niste se baš najzgodnije izrazili. Dakle, sekretar ministarstva mijenja ministra samo kada je u pitanju obrazlaganje određenih akata na Vladi. A ne, on po meni, obzirom da je on državni službenik, a ministar je izabrani zvaničnik on ga ne može mijenjati u dijelu koji se odnosi koje su prava i obaveze izabranoga zvaničnika. Dakle došlo bi do sukoba interesa. Iz tih razloga ako ste čitali Zakon o Vladi stoji, da maksimalno jedan od ministara može mjesec dana mijenjati i ne više. Dakle to lice koje je ovlašteno, odnosno jedan od ministara može potpisivati sve akte koje ima pravo i obavezu izabranog zvaničnika. U konkretnom slučaju, sekretar ministarstva nije izabrani zvaničnik on je državni službenik i on ne može vršiti potpisivanja, odnosno određene pravne radnje koje može izabrani zvaničnik. Toliko i hvala.

Dopredsjedavajući Naser Nabil:

Hvala gđo predsjedavajuća. Prije svega pozdravljam sve prisutne i drage građane Kantona Sarajevo. Nije mi uopšte jasno zašto kolegica Segmedina problematizira poziv za Hitnu sjednicu. Član 65 Poslovníka je jasan i govori da predsjedavajuća, je ta koja saziva hitnu sjednicu. I zašto postavljate pitanje sekretaru skupštine ako je predsjedavajuća ta koja je zadužena sa saziv. A predsjedavajuća je ta koja pripada Klubu SDP-a. Prema tome mislim da je stvar čista. Sada postaje politikantstvo. Oprostite to je atak na naše vrijeme i na našu mogućnost da mi spasimo to što trebamo spasiti vezano za ono dramatično stanje u obrazovanju. Duže vrijeme nemamo ministra, budžet se formira , najveći je budžet itd.. dakle predsjedavajuća je ta koja može izuzetno da sazove sjednicu u kraćim rokovima od onih predviđenih Poslovníkom. Hvala vam lijepo.

Poslanik/zastupnik Nedžad Fazlija:

Zahvaljujem predsjedavajuća. Pozdravljam sve prisutne i gledaoce koji nas trenutno prate. Vi svi koristite Poslovnik čitate ono što vam odgovara iz Poslovnika a ono što ne odgovara, naravno to prešutite. Tačno je da predsjedavajuća pošalje da tako kažem, tehnički pošalje dopis, ali ova skupština utvrđuje dnevni red za ovu hitnu sjednicu. Tačno je da postoje neki elementi za sazivanje ove hitne sjednice i da kolega Nabil što vi kažete vrijeme nam ističe, međutim upoznat ću i vas i javnost, ovo Ministarstvo nema ministra od maja prošle godine. Od maja prošle godine ova Vlada je mogla da popuni to upražnjeno mjesto za ministra, a pogotovu, kada je ministar dobio da tako kažem otkaz radi ne pojavljivanja na posao. Znači mi ovdje obrćemo teze, govorimo o vremenu nismo mogli sačekati još nekih desetak dana kada je redovna Skupština nego nam se sada sakrivamo se iza članova nekog Poslovnika da će biti kao neke nesagledive štete po imovinu, a ja ću vas podsjetiti da su neke kolege ovdje i čak Klub SDP-a tražio hitnu sjednicu povodom poskupljenja komunalnih usluga i nije bila čak ni hitna sjednica kada je bila obustava radnika Grasa u štrajku od nekih sedam, osam dana. Ni tada nije bilo a nastale su neke nesagledive da tako kažem posljedice po imovinu i po građane ovog Kantona Sarajevo. E sada recite mi na osnovu čega se saziva to sam ja problematizirao i na Kolegiju. To sam ja problematizirao, na osnovu čega i gdje piše da imenovanje ministra u članu 65 i 71?

Poslanik/zastupnik Zaim Backović:

Gđo predsjedavajuća zamolio bih vas da vratimo ovu sjednicu u njene tokove i da obzirom da smo bili na Kolegiju da smo učestvovali u radu Kolegija, da smo kao Kolegij odlučili da postoje osnovi za održavanje ove sjednice da kolege koji su predsjednici klubova ipak poštuju ono što se zove Kolegij Skupštine. Mi možemo ovako razglabati po članu ovakvom, članu ovom, tačno od maja. Ali nije od maja nego od dana kada je razriješen u maju je podnio ostavku. A razriješen nije u maju. Dajte da mi ovu skupštinu ne odugovlačimo i da je najbolje da je završimo večeras u 10 samo zato što hoćemo da diskutujemo o tome jesam li ja ili ste vi u pravu. Hvala.

Poslanik/zastupnik Damir Čardžić:

Hvala predsjedavajuća. Da pozdravim sve prisutne i gledaoce putem malih ekrana. Ja se nisam htio javiti povodom ovoga ali ja sam prisustvovao Kolegiju kada je odlučeno da se održi sjednica sa ovim dnevnim redom. Vi kao predsjedavajući imate sve ingerencije da sazovete tu skupštinu. Ali ja mislim da je opet ovdje atak na nas u Skupštini od strane nezadovoljnika, konkretno gđina Fazlije. On non stop pokušava ja više ne mogu reći da je to u ime SDP-a jer tamo ima časnih i poštenih ljudi. Ali u kontinuitetu pokušava da uruši sve dobre namjere koje hoće da se dese u ovom domu i unutar Vlade. Sve svoju poziciju kao predsjednik kluba zloupotrebljava. Evo podnio je Etičkom vijeću prijavu nama adaktirano 2011 godinu. Eto koliko se snalazi u ovim situacijama. Pa ne ne. Bio je prisutan na sjednici Kolegija, digao ruku za ovo što

Predsjedavajuća:

Nemojte molim vas gospodine Čardžiću. Mole dopredsjedavajući da vas zamolim da ne radite to što nije po Poslovniku.

/poslanik/zastupnik Damir Čardžić govorio bez uključenog mikrofona/

Poslanik/zastupnik Damir Čardžić:

Mi možemo pričati sada o tome da li je ispravno, da li je gospodin ministar kvalitetan, nije dobar i ko ga je predložio. Ali nemojte da radimo ovo. Pravimo farsu i cirkus pravimo od Kolegija i Skupštine. Molim vas nemojte to da radimo. Kolega Backović je bio u pravu. Prekinite ovu farsu i da krenemo s dnevnim redom.

Poslanik/zastupnik Elmedin Konaković:

Poštovana predsjedavajuća, dopredsjedavajući, poštovani sekretaru, cijenjena ministrice, ministri u Vladi, premijeru, poštovane kolegice i kolege, dragi gosti, gledaoci TVSA Esselamu alejkum i dobro vam jutro. Mislim nema nas još puno prijavljenih. Moram reći nekoliko stvari jer učestvujem u procedurama i smatram se odgovornim za sprovođenje procedura i hoću da kažem da nema apsolutno nikakvog razloga da se procedura sazivanja ove sjednice problematizira. To zaista nije u redu. Podsjetit ću na sličnu proceduru na kojoj sam ja rekao sve ono što je danas rekao kolega Fazlija a kada ste mijenjali Vladu i ministre iz reda SDA. Da nije predsjedavajuća ni kriva ni dužna nego saziva a Kolegij utvrđuje karakter hitnosti te sjednice. U ovoj sada proceduri Kolegij je procijenio da ova sjednica ima karakter hitnosti. Nekoliko krivih navoda. Ministar Marjanović je otišao u oktobru. Po zakonu o Vladi mjesec dana jedan od ministara može mijenjati i potpisivati akte i taj period nam je prošao. I nije prošlo puno vremena a ima jako puno problema. Od sindikata koji najavljuju štrajkove. Od nepotpisanih ne mogu reći koliko akata i odluka. Od još desetina stvari koje su bitne a trenutno se dešavaju i one najbitnije kreira se budžet za obrazovanje za narednu godinu sa svim problemima u osnovnom srednjem i visokom obrazovanju. Dakle mi smo na Kolegiju ovog puta potpuno transparentno i potpuno s razlogom donijeli odluku da ona ima karakter hitnosti. Dnevni red je istina se utvrđuje na samoj sjednici. i osim ove tačke koju je Kolegij predložio imamo još jedan prijedlog premijera za drugu tačku dnevnog reda. Tu može sekretar eventualno pojasniti izjašnjavamo li se o obje odmah zajedno ili se izjašnjavamo o jednoj i drugoj pojedinačno. Tako da ovo što je sada rekao kolega Fazlija, ja sam rekao isto kada je bila sazvana sjednica na kojoj je razriješena i imenovana nova Vlada tada Kolegij nije utvrdio karakter hitnosti i upravo je onako kako sada kolega Fazlija kaže. Ovog puta jeste utvrdio karakter hitnosti. Ona je sazvana u skladu sa svim procedurama i u donošenju te odluke vrlo korektno shvatajući problem obrazovanja učestvovala su sve političke partije. Gubimo već pola sata u početku zbog sjednice Vlade. I gubimo pola sata u raspravi oko dnevnog reda. Sve što se tiče tačke ja se slažem da kolege glasaju za, protiv, diskutuju, ukažu na prednosti ili nedostatke prijedloga. Nije korektno i nije fer da diskutujemo o proceduri koja je od a do ž ispoštovan po Poslovniku. Hvala.

Poslanik/zastupnik Amir Zukić:

Želim da poselamim i pozdravim sve one koji učestvuju i prate današnji tok sjednice. Vjerovatno ću sve ponoviti što su kolege rekle. Lakše će mi biti i imam potrebu. Žalosno je problematizirati to nije ni smiješno nego je žalosna ova situacija problematiziranja hitnosti. Proceduralno predviđeno. Ako želi neko da ubere jeftine političke poene na ovome, gospodo, treba biti konzistentan i principijelan. I onda u toku mandata u istim situacijama isto reagovati da bi danas bio argumentovan. Pošto niste na taj način u ovom mandatu djelovali pustite da ovu situaciju završimo. Oспорavanje i priče o ministru obrazovanja kada dođe ta tačka dnevnog reda iznesite slobodno i sve što treba i što imate saznanja ali dajte da radimo.

Poslanik/zastupnik Nedžad Fazlija replika:

Kolega Zukiću ja razumijem vaš negodovanje zato što mi to osporavamo ali vi i kolega Konaković govorite o dvije različite stvari. Ovdje se radi o popunjavanju jednog mjesta u Vladi, a onda kada je bilo je bilo o pola Vlade. Ipak dozvolit ćete da pola Vlade i jedan čovjek nije isto. I to su bila sasvim dva različita razloga. A sada za ovo hitno i ko je protiv odnosno koji su problemi u Ministarstvu obrazovanja molim vas nemojte to fakturisati da tako kažem Klubu SDP-a ili SDP-u jer vi ste proizveli sve te probleme. Vi ste čekali od maja prošle godine da skupite 18 ruku da izaberete novog ministra i sada eventualno ako ste skupili tih 18 ruku sada idete sa hitnom sjednicom. Zašto ako je već istekao rok od mjesec dana ministru koji je mijenjao

upražnjeno mjesto Ministarstvu obrazovanju, nauke i mladih zašto na 31. sjednici ili 32 pred kraj godine zašto nije tada bila ova tačka dnevnog reda u redovnoj proceduri? Imali ste dovoljno vremena.

Poslanik/zastupnik Elmedin Konaković replika:

Ma neću uopšte da se referiram na taj dio koji vi suštinski problematizirate. Potpuno nebitan. To što vi pokušavate objasniti nebitno. Ono što ste vi problematizirali a potpuno niste u pravu su procedure. Procedura sazivanja hitne sjednice kod smjene SDA Vlade je prekršena jer Poslovnik kaže da Kolegij utvrđuje karakter hitnosti što se nije desilo u slučaju kada ste sazvali tu hitnu sjednicu. U ovom slučaju Kolegij je odlučio da ova sjednica ima karakter hitnosti. To je vaša kolegica Srna i vi problematizirala i dobili ste odgovore. Osjećam se kao član Kolegija dužnim da vam pojasnim te procedure. O suštini i prijedlozima ćemo diskutovati kada bude tačka. Možete sve što želite reći na toj tački jel bila potreba, jel kvalitetan ministar. Vi ste problematizirali proceduru i potpuno niste u pravu. Dakle ja neću da se referiram na to ko je koliko, ruke sabirao ne sabirao, to je neozbiljno ali ste problematizirali procedure i niste u pravu. Dakle svi članovi kolegija, vi ste tamo sjedili Poslovnik je tačno precizirao, sekretar je pojasnio, i veći dio sale je iznenađen da uopšte to pitate. Tako da ćemo raspravljati o tački kada dođe tačka. Nemojte problematizirati procedure koje ste kršili. Hvala.

Poslanik/zastupnik Damir Čardžić replika:

Da budem precizan i jasan kako kaže jedan visoki dužnosnik u vlasti u BIH repliciram kolegi Fazliji. Kolega Fazlija vi u kontinuitetu pravite dirigovani nered i skrećete sa svih tema na takav način kako prezentujete to i javnosti. Ne libite se svim mogućim načinima manipulacije i kojekakvih stvari da bi ste skrenuli narod u BIH je gladan. Vi zaustavljate procese. Procese zaustavljate od onoga momenta od kada ste smijenjeni iz vlasti gospodine Fazlija. I koristite svaki momenat kako bi ste izašli za govornicu i da zloupotrebljavate govornicu kako bi se skrenuli temu. pa u Poslovniku. Znači replika gđinu Fazliji. Stalno okreće temu. Imamo situaciju gdje nam fali ministar. Nama nedostaje ministar što niste predložili kolega Fazlija?

Predsjedavajuća:

Iscrpili ste svoje pravo da improvizirate.

Riječ sam vam oduzela na zahtjev dopredsjedavajućih.

Poslanik/zastupnik Segmedina Srna replika:

Replika zastupniku Konakoviću. Želim samo reći da sam mu zahvalna što se osjeća odgovornim i obaveznim da nam pojasni procedure kao član Kolegija ali želim da podsjetim da zbilja nisam tražila da nam pojašnjava niko od članova Kolegija procedure. Ja sam bila vrlo eksplicitno sam postavila pitanje sekretaru skupštine i ne znam u čemu je problem. Mi ne znamo možda baš svi, nismo svi članovi Kolegija, da objasni pravni osnov koji meni nije bio najjasniji. Pročitala sam ja član 65. eto toliko. Naravno da će svako glasati po svom nahođenju i diskutirati nakon što usvojimo dnevni red. Još jednom zahvaljujem sekretaru. Eto toliko.

Predsjedavajuća:

Hvala lijepo. Nema više prijavljenih za raspravu. Možemo krenuti dalje.

Dakle s obzirom da Skupštine koje su zakazane po hitnoj proceduri nemaju formirani prijedlog dnevnog reda na koji se prave dopune, nego Skupština utvrđuje dnevni red u konsultaciji sa sekretarom jednako valjana pred vas danas postavljena prijedloga obadva su.

1. Prijedlog odluke o potvrđivanju imenovanja

2. I novi prijedlog koji je na Skupštini podnio premijer, a to je druga tačka koja se odnosi na davanje saglasnosti na odluku Vlade o promjeni hipoteke za Gras. Upravo sam ovo sve rekla zato da vam kažem da nemamo formirani prijedlog na koji pravimo dopunu, pa ćemo usvajati dopunu pa onda prijedlog koji je prosljedio, nego moramo obadva prijedloga tretirati jednako, odnosno vi formirate prijedlog dnevnog reda.

Dakle molim vas da se izjasnimo i za prvu i za drugu tačku dnevnog reda u jednom glasanju.

Dakle prisutno je 31. 1 nije glasalo. 25 je ZA, 5 suzdržanih. Niko nije bio protiv.

KONSTATUJEM DA JE SKUPŠTINA ZA 7. HITNU SJEDNICU SKUPŠTINE KANTONA SARAJEVO USVOJILA DNEVNI RED, KAKO JE PRIJEDLOG FORMIRAN NA DANAŠNJEM POČETKU ZASJEDANJA.

Predlažem da pređemo na prijedlog tačku broj 1. a prije toga molim premijera da nam što prije na klupe dostave materijal da bi smo mogli bar to malo pogledati prije nego što tačka dođe na dnevni red.

Dakle prelazimo na realizaciju tačke 1.

AD – 1.

PRIJEDLOG ODLUKE O POTVRĐIVANJU IMENOVANJA MINISTRA MINISTARSTVA ZA OBRAZOVANJE, NAUKU I MLADE VLADE KANTONA SARAJEVO

Komisija za izbor i imenovanja i administrativna pitanja, je na sjednici održanoj dana 21.01.2014.godine, prihvatila je Prijedlog premijera Kantona Sarajevo, te sačinila Prijedlog odluke o potvrđivanju imenovanja i uputila u skupštinsku proceduru.

Prijedlog kandidata za ministra ministarstva za obrazovanje nauku i mlade koji je formirala Komisija za izbor i imenovanja dobili ste skupa sa CV, odnosno biografijom i podacima predloženog kandidata.

Ja pozivam uvaženog premijera da da obrazloženje za svoj prijedlog imenovanja. Izvolite.

Premijer Suad Zeljković: UVODNO IZLAGANJE

Predsjedavajuća:

Hvala lijepo premijeru. Evo po našem Poslovniku ima li pitanja? Ako nema ja otvaram raspravu.

Poslanik/zastupnik Mujo Hošić:

Ja pozdravljam sve prisutne. Gđo predsjedavajuća drago mi je da ste ozdravili i da ste se vratili. Pitanje koje sam htio postaviti premijer mi je odgovorio. Sada znam čiji je to prijedlog. Meni bi bilo potpuno normalno u ovoj parlamentarnoj većini, ako uopšte postoji da smo bar u prethodnih mjesec dana imali jedan sastanak da raspravimo o problemu uslovno rečeno, o problemu koji se zove ministar obrazovanja. Vjerovatno kao i svi, i većina i oni koji su opozicija dobili smo prije sedam dana poziv i sinoć CV. Dobro. Premijer kaže da je to njegov prijedlog. On ima pravo na

to. Drugo ja bih volio da nisam dobio CV. O tome neću dalje. Svi uslovi su ispunjeni da se bude ministar, čak ne morate vi imati ni stručne radove. Iskreno govoreći ja bih volio da smo u ovom momentu dobili kandidata koji je nekada radio u obrazovanju bio učitelj, nastavnik, profesor. I da sam imao priliku prije ove sjednice a ne danas kada se prenosi, da pitam kandidata za ministra da li je upoznat sa situacijom u obrazovanju, govorim prvenstveno finansijski? I da li ima jedan prijedlog kratkoročno, evo u toku je priprema budžeta, šta će kandidat za ministra obrazovanja predložiti onima koji čekaju hoće li li neće stupiti u štrajk. No tu smo gdje smo. Ja mislim da nije bilo uopšte potrebe da ova sjednica bude hitna. Ako ništa, uvažavajući sve diskusije prethodne o ovome smo mogli raspravljati bar prije dva mjeseca u redovnoj proceduri.

Poslanik/zastupnik Branislav Crnogorac:

Pa apsolutni respekt prema svemu što sam čuo o kandidatu za ministra obrazovanja, ali jedan na određen način neodoljiv utiska imam da uvaženi kandidat bi apsolutno više dao i više daje na poziciji koju sada obnaša nego što može ponuditi kada je u pitanju Ministarstvo obrazovanja. I evo jedno pitanje i kandidatu ili premijeru: Šta je to što je opredijelilo kandidata da uopće bude kandidat za ovu funkciju s obzirom na ono sve što je do sada obnašao? Iz toga svega jasno i nedvojbeno vidimo da je on upravo ekspert za poziciju u kojoj se sada nalazi i gdje sada trenutno radi.

Poslanik/zastupnik Enes Zeković:

Zahvaljujem pošto se prvi put javljam. Želim da pozdravim vas predsjedavajuća, dopredsjedavajući, sekretara. Cijenjenu Vladu, zastupnici, zastupnike i građane Kantona Sarajevo. Ja se javljam za diskusiju pošto sam vidio da su pitanja zaključena. Na komisiji za imenovanje je bio prijedlog i ja sam bio suzdržan. I želim da kažem ovdje javno zašto sam bio suzdržan. Ne želim da uopšte učestvujem i da govorim o predloženom kandidatu od strane premijera Kantona Sarajevo. Ali postavljam i sebi pitanje i svima nama, od tolikog broja uvaženih profesora, doktora koji dolaze iz reda sektora obrazovanja da nismo imali nikoga da postavimo nego dovodimo nekoga sa strane. Sad se postavlja pitanje u kakvom je stanju sektor obrazovanja u Kantona Sarajevo. I to je moj razlog zašto sam bio suzdržan i zašto ću biti suzdržan uz puno uvažavanje predloženog kandidata.

Poslanik/zastupnik Munir Talović:

Koristim priliku da pozdravim vas, gđo predsjedavajuća s obzirom da jedno vrijeme niste bili prisutni, nadam se da je vaše zdravlje dobro. Dopredsjedavajuće, premijera, ministre, zastupnike u Skupština Kantona Sarajevo, goste, prisutne u Sali i naravno gledaoce kraj TV Ekрана. Jedan sam od zastupnika koji je insistirao i tražio i postavljaju premijeru pitanje kada će predložiti Skupštini imenovanje ministra s obzirom da je apsolutno nenormalno i neprihvatljivo da egzistira tako jedan važan segment društvene djelatnosti bez ministra uz dužno poštovanje ministarstva i tima koji jako dobro radi i koji je iznio sve probleme i sa potpisivanjem u proteklom periodu koliko nismo imali ministra i cijenim i pozdravljam ovo što je premijer uradio. Obećao je i mislim apsolutno normalno je da moramo imati ministra. Ono što sam kao član Senata dugo godina vidio i pratio tranziciju visokog obrazovanja a i uopće obrazovanja u Kantona Sarajevo i BIH, vidim jako puno problema koje ne ove Vlade u ove tri godine nego i prethodne Vlade su odgađale i odlagale i mislim da čak ni u skupštinama nije bilo dovoljno senzibiliteta kojim bi se ljudi uhvatili u koštac i nosili sa problemima koji bi tu tranziciju vodili u smjeru gdje treba da stignemo koju je BIH preuzela kao obavezu da bude sastavni dio zemalja koji primjenjuju Bolonju i prave tranziciju u visokom obrazovanju. Jako puno je obaveza koje su bile zanemarene i puno je novih tereta kojih su bili teret na teret i dovodili posebno visoko obrazovanje, malo više govorim o visokom obrazovanju zato što bolje znam situaciju a i druge nivoe obrazovanja u

jednu izuzetno tešku situaciju. Zadnje. Ovo je nama sada u ove tri godine četvrti ministar zbog spleta raznih okolnosti uglavnom političkog karaktera. Ali svi oni staju odnosno nastavljaju tamo gdje su prethodnici se našli sa nagomilanim problemima koji su do te mjere došli da bih volio da naš budući ministar, za kojeg ću ja glasati, jer podržavam da postoji ministar. Samo bih volio da pored toga što je uvaženi premijer rekao da se radi o časnom i korektnom čovjeku u što ne sumnjam i ono što znam, vrlo malo znam, ali što znam čuo sam u tom segmentu da se radi i o sposobnom čovjeku koji je spreman da predvodi jedno važno resorno Ministarstvo i da se uhvati u koštac sa problemima koji su do te mjere da evo kolega je maloprije rekao da su već štrajkovi kao jedino rješenje su u opcijama i sindikata i institucija kako srednjeg i osnovnog tako posebno visokog obrazovanja. Pa ću zaželjeti ministru uz to što ću dati glas, zaželjeti puno sreće i nadam se da se radi o čovjeku koji je dovoljno upoznat a nadam se da će i premijer sa svojom vladom promijeniti dosadašnju praksu Vlada prema visokom obrazovanju i ono što se traži na evropskom nivou bar jednim dijelom malim procentom pokušati ispuniti jer za neke stavke imamo nula procenata izdvajanja kada je u pitanju visoko obrazovanje i ne možemo se ni sa kim mjeriti jer niko tako nema. Zbog toga želim još jednom sreću. Dat ću svoj glas. Nadam se da će biti dovoljno da danas imenujemo ministra i nadam se da će odgovoriti zahtjevima akademske zajednice. Hvala vam lijepo.

Poslanik/zastupnik Besim Mehmedić:

Hvala gđo predsjedavajuća da vam poželim da ste se vratili na radno mjesto predsjedavajuće. A moram priznati da je vaš zamjenik vodio dobro sjednice. Ono što želim da kažem povodom imenovanja novog ministra obrazovanja je moj stav u nečemu što ja tako razumijem. Puno se u retorici političkoj spominju veliki državnici, onda se spominju da repliciram šta vi možete uraditi za svoju državu. Ima Avaz pa će oni to prenijeti. Ovo sam htio da kažem. Ja stojim iza svake svoje riječi i kao zastupnik imam pravo da kažem a ako neko misli da replicira i njegovo je poslovničko pravo. Hoću samo da kažem da u atmosferu i kojoj se danas nalazimo izuzetno je bitno i važno da pristanak ministra da radi ovaj posao, ja tako vidim, hrabrost. A s druge strane hoću da javno kažem, pošto pratim sve naslove i izvještaje i komunikaciju sindikata nije primjereno stavljati funkciju bilo koga na pritisak da s eto mora uraditi. Na kraju krajeva mi svi znamo koji se bavimo malo više ovom politikom i oni koji će se baviti da je ovo politička odluka. Ali u toj političkog odluci ne bi trebalo da bude pritisaka. Ja bih samo volio da ako ima mogućnosti ministar da odgovori. Da li je on upoznat s onim što ga slijedi s obzirom da u tehničkom smislu priprema budžeta koliko ja razumijem je već završena. Da li će on imati i smoći snage u onom dijelu što Ministarstvo ima da riješi. Ja ga pitam samo jedno pitanje. Nekoliko kapitalnih projekata koji su propali njihovi završeci kreditom koji ova skupština nije usvojila. Direktno ga pitam da li će voditi i uspjeti u budžetu da stavi sanaciju Studentskih domova i da se nastavi gradnja Akademije scenskih umjetnosti? Otvoreno to govorim lično zato što svugdje će to se to komentirati, moj nastup je ličan, znači otvoren sam. A da li je to potreba za one kojima će to biti to neka presude oni koji gledaju. Pa ako postoji mogućnost moje je pitanje za budućeg ministra da li ima snage i da li namjera i ima li informacije da jedan dio kapitalnih investicija u budžetu za 214 zna li, upoznat je s tim i šta misli o tome da predloži Vladi Kantona? Hvala lijepo.

Poslanik/zastupnik Mira Jurić:

Hvala uvažena predsjedavajuća. Pozdravljam cijenjenu Vladu, kolege zastupnike i građane koji prate rad Skupština Kantona Sarajevo. Evo ja bih se isto nadovezala što se tiče samog izbora za ministra za obrazovanje ja mislim da je to čak malo i zakasnilo jer smo mi imali vremena i ranije to. Ali evo hajde da pozdravim i ovu hitnu sjednicu za izbor ministra iako sam bila malo ljuta i skeptična i s kolegama prije početka skupštine razgovara nisam znala ni čiji je prijedlog, ne

sumnjajući u kvalitet budućeg mislim ministra. Ali evo premijer se izjasnio da je to njegov prijedlog i ne sumnjam u kvalitet ali smo mislim trebali biti upoznati ako ništa sa najkraćim onim ko je i šta je naš budući ministar. Ali evo cijeneći i to kakvo je stanje u resoru obrazovanja ja ću evo da kažem hajde podržat ću izbor ministra za obrazovanje s tim što mislim da u buduće počev od premijera pa Vlade svi bilo bi red da bar upoznaju nas poslanike / zastupnike o nečemu što se predlaže a ne da dovedemo se pred svršen čin i onda sinoć dobijemo mi SV i evo danas moramo da se izjašnjavamo. Ja ne sumnjam u sve ovo napisano od evo da kažem budućeg ministra. Mislim da će on dati sve od sebe i mora ako misli da radi Ministarstvo. Evo vidimo da se najavljuju štrajkovi kako u osnovnom, srednjem i visokom obrazovanju svugdje. A evo isto tako podržala bih i pitanje kolege Mehmedića da li će se nastaviti sa radom Studentski domovi, ovaj izgradnjom i Akademija umjetnosti tako da bi me to baš interesovalo. Hvala lijepo.

Poslanik/zastupnik Damir Čardžić:

Ja ću morati prokomentirati vezano za ovu tačku dnevnog reda sljedeće. Mislim za svaku situaciju koja postoji mora da se desi momenat kako bi se našlo rješenje ispunili svi uvjeti ali ja mislim da su trenutno svi uslovi ispunjeni sada da ne polemishem o tome kakva je sjednica trebala da bude, kada je to trebalo da bude jel to prije mjesec, dva tri pet. Ali stvoreni su uslovi i mislim da mi možemo da idemo u realizaciju ove tačke i da danas izaberemo ministra prijeko potrebnu poziciju za normalno funkcionisanje toga resora. Personalno sa moje strane veoma mi je drago što sam osoba koja će moći učestvovati i potvrditi imenovanje ove osobe koja je predložena od strane gđina Suada Zeljkovića, premijera Vlade. I mislim da stručnost takve osobe i njegov privatni i poslovni beogradsku svima nama nalaže da takvoj osobi damo samo povjerenje i da ga podržimo u ovome svemu. Moram naglasiti i sljedeće. Da je ovo momenat koji u narednom periodu hajde da kažem, koji je veoma kratak , podrazumijeva da osoba koja se primi ove obaveze je veoma hrabra i zahtijeva njegove i organizacione i stručne sposobnosti maksimalno, pošto svi znamo kakva je situacija u obrazovanju. Ja sam veoma kooperativan kada su ovakve stvari u pitanju i veoma razumijem situaciju i trenutno da nam je prijeko potrebna osoba poput kandidata koji je predložen za poziciju ministra. Ja ću zdušno da dam veliku podršku i apelujem na sve kolege da danas izglasamo novog ministra. Ja mislim da to neće biti problem.

Poslanik/zastupnik Kenan Ademović:

Poštovana predsjedavajuća, prvo da u ime SBB da vam zaželim dobrodošlicu. Poštovani premijeru, ministri, kolege zastupnici, gosti i građani Kantona Sarajevo sve vas pozdravljam. Ja ću vrlo kratko vezano za ovu tačku dnevnog reda, smatram kao što je gđa Jurić maloprije rekla to je da smo trebali sigurno ranije dobiti ministra obrazovanja. Međutim, situacija je takva kakva jeste. Kada ono vezano za biografiju gđina Milosavljevića, nema se tu šta reći. To je. Biografija govori sve sama od sebe. Ono što je sigurno jeste da će ministar, a ko bude dobio podršku Skupštine imati sigurno puno posla i da pred njim predstoji jedno vrijeme vrlo kratko za koje mora sigurno odgovoriti na par vrlo važnih pitanja što se tiče samog obrazovanja u Kantona Sarajevo. Kada je u pitanju SBB mi ćemo dati podršku gđinu Milosavljeviću. I ta podrška će biti sve dotle dok gospodin Milosavljević bude radio u interesu akademske zajednice, u interesu profesora, u interesu studenata i općenito u interesu obrazovanja na nivou Kantona Sarajevo. Tako da kada je to u pitanju znači mi ćemo podržati prijedlog. A odnos SBB prema Ministarstvu i prema ministru zavisit će direktno od njegovog rada po ovim temama što sam maloprije rekao.

Predsjedavajuća:

Hvala lijepo. Ja sam najavila gđina Konakovića, on trenutno nije tu pa će riječ dobiti gospodin Solaković Adnan.

Poslanik/zastupnik Adnan Solaković:

Hvala lijepo. Ja se neću ponavljati kao ovi prethodnici, neke dobrodošlice ovo ono. Eto to važi ispred mene isto. Želim svu sreću novom ministru, što se kaže da bude na hajr. Čeka ga veliki posao jer obrazovanje nije imalo dugo ministra. Međutim, jako se jedna ružna situacija desi. Ovdje isto došao je novi ministar prijedlog, isto kao da je optuženička klupa i sada da mi ocjenjujemo njega i njegovu biografiju koja je izuzetno imponantna. Il ćemo glasati ili nećemo glasati? Pogotovo neki ljudi koji ovdje sjede, koji nisu ni prošli dva puta pored fakulteta i oni će da diskutuju o njemu. To licemjerstvo nema smisla. Ja mislim da se čovjek jako neugodno i osjeća. Prema tome kada je iste struke bio njegov kolega Marjanović, zašto ne bi obavljao i on koji je završio sve desetkom dao fakultet. Želim mu sve najbolje u budućem radu. Hvala lijepo.

Dopredsjedavajući Naser Nabil:

Hvala gđo predsjedavajuća. Ja ću ostati dosljedan našem stavu ranije, s obzirom da sam u više navrata naravno i ja i kolege zastupnici iz SBB-a pitali i tražili kada će biti imenovan ministar obrazovanja. Nije naše kao opozicija da ulazimo u posao pozicije koji će biti izabran i koja je pozicija odnosno parlamentarna većina odabrala za takvu funkciju. Ali u svakom slučaju drago nam je da ipak Vlada smogla snage i odlučnosti i mislim da je blagovremeno već donijela prijedlog o imenovanju ministra za obrazovanje nauku i kulturu. Želim podsjetiti da je situacija zaista u obrazovanju uopšte je veoma dramatična. S obzirom u Klubu SBB nalaze se dva profesora jedan docent, dva doktora nauka, dobro poznajemo šta se dešava unutar zdravstvenog sektora. Ali ono što je jako važno i što sam ja inicirao i Skupština je prihvatila je vezano ko predstavlja u određenim segmentima sindikata obrazovanje, ko predstavlja prosvjetare, odnosno ljude koji se bave obrazovanjem. Mi imamo jedan veliki problem vezano i za predškolsko i osnovno i srednje pa ako hoćete i visokog obrazovanja. Ova Vlada i ovaj saziv Skupštine donio je izmjene i dopune Zakona o visokom obrazovanju koje predstavlja jedan dobar plus i veliki preokret vezano za visoko obrazovanje. Ali ja vas molim uvaženi budući ministre da ipak raščistite stvar vezano za osnovno obrazovanje. Još nisam dobio od strane Vlade odgovor na naš zaključak ko zaista predstavlja Sindikat osnovnog obrazovanja na području Kantona Sarajevo? I želim da to se raščisti jer ipak kroz medije i u razgovorima sa ljudima, znači prosvjetarima iz osnovnog obrazovanja ima naznaka za neregularnosti da ne kažem kriminal. Bilo je negdje objavljeno čak i finansijskih izvještaja iz kojih se jasno vidjelo da neki raspolažu sa 200 i nešto hiljada KM, na ime osnovnog obrazovanja a gdje taj novac se troši i u kom pravcu, mislim da je vaša uloga da vi to raščistite. I želim vam svu sreću. I kao što je rekao predsjednik Kluba SBB će vam dati podršku. Bit ćemo u stanju pripravnosti, pratit ćemo vas, pohvalit ćemo vas za sve što budete radili za obrazovanje i za mlade, također, nemojte i to zaboraviti. I bit ćemo uvijek konstruktivna opozicija, hvala vam lijepo.

Poslanik/zastupnik Selma Filipović:

Predsjedavajuća hvala lijepo. Želim pozdraviti prvo nas nakon odsustva duži vremenski period. Zatim sve zvaničnike kao i gledaoce pored malih ekrana. Prvo bih željela čestitati premijeru na izboru ministra i zaista prilikom čitanja CV-a bih prije da ne znam o kome se radi, da ne znam da je predložen gospodin Milosavljević za ministra obrazovanja, prema CV-u bih rekla prije da je gospodin predložen za neko drugo Ministarstvo, a to je Ministarstvo unutrašnjih poslova. Još jednom iskrene čestitke. CV je dobra, ne mislim da je loš ali mislim da više odgovara nekom drugom Ministarstvu. Ja bih samo postavila pitanje uvaženom ministru, da li je svjestan situacije u kojoj se nalazi Ministarstvo obrazovanja i svih problema sa kojim će se suočiti u narednom periodu? Da li je svjestan problema sa kojima se suočava akademska zajednica posebno ovaj dio koji se tiče visokog obrazovanja? Da li nam može ispoštovati ono što nam je obećao premijer na

prošloj, odnosno pretprošloj sjednici Skupština Kantona Sarajevo, kada ga je neko, ne mogu se tačno sjetiti od zastupnika pitao, dali će biti isplaćene tranše, znači tranša i pol, za mjesec novembar i za mjesec decembar za visoko-školske obrazovne ustanove. Da li će akademska zajednica osjetiti budžet koji je kreiran za 2013, odnosno umanjene budžeta od nekih 12 do 15 miliona ne znam tačno. Na što nam je premijer odgovorio za govornicom i rekao da se to ne može desiti i da se ne smije desiti da profesori na fakultetima i akademijama ostanu bez ličnog dohotka što se desilo. Znači dobili smo 50% tranše za mjesec novembar, dalje za mjesec decembar nam niko ne obećava tranšu i praktično su profesori ostali bez plata. Pa pitam uveženog ministra da li će sada on ispoštovati ono što je naš premijer obećao? A premijer je predložio ministra i to je njegov izbor. Mi smo svjesni da Vlada ne može funkcionirati bez ministra obrazovanja. Da je izrada budžeta za 2014 godinu pred nama i da je neophodno da se taj nacrt usvoji i prijedlog. Nadamo se da će novoizabrani ministar uspjeti prevazići ove probleme u kojima se nalazi akademska zajednica jer ono što najavljuje sindikat, to su ozbiljne prijetnje. Izlazak i studenata i profesora na ulice Kantona i traženja da se nadoknade ova sredstva koja su nam obećana.

Poslanik/zastupnik Elmedin Konaković:

Ja se izvinjavam ako sam bio na redu, imali smo neke konsultacije, razgovore pa sam evo dobio riječ, hvala vam nakon ulaska u salu. Ja ću prvo reći moju ličnu impresiju i ne bih se složio s dijelom stavljanja u prvi plan isključivo profesije ili trenutnog zaposlenja kandidata za ministra. Dakle to što čovjek sada obnaša i radi je posljedica njegovog opredjeljenja i zaposlenja. Njega zvanja, njegove akademske titule i sve što je proveo u radu akademske zajednice, čini mi se da mora biti u najmanju ruku ravnopravno tretirani činjenici da on trenutno obnaša funkciju koja jeste vezana za MUP. Tako da vas molim da ne degradirate akademsko zvanje i vrijeme provedeno u akademskoj zajednici jer mislim da to kapacitira ministra da bude ozbiljan kandidat za baš ovu funkciju.

Ja ću reći svoje opažanje i izrazit ću nezadovoljstvo što mi kao Skupština Kantona Sarajevo i Vlade koje smo imali tri u ovom sazivu zbog naših političkih odnosa nismo bili hrabriji u segmentu obrazovanja da ovo glomazno Ministarstvo barem podijelimo na dva dijela koja bi bila funkcionalna i koja bi mogla voditi računa o svim segmentima obrazovanja. Očekivat da jedan čovjek upravlja ministarstvom koje se odnosi na vrtiće, osnovne, srednje škole, visoku akademsku zajednicu, nauku, mislim da je nemoguće i mislim da smo propustili priliku i nadam se da će što prije doći vrijeme da se jedan ozbiljan problem i sa aspekta nauke i struke i sa aspekta ekonomije stavi u malo funkcionalniji položaj. Ne kažem to kao obavezu novom ministru jer mislim da je jako malo vremena da bi se nekim aktima u ovoj budžetskoj izbornoj godini bilo šta radikalno ili senzacionalno desilo. Ono što hoću da kažem, a tiče se baš ovih nekoliko tema i više kao neki šlagovrt za to šta ministra tamo čeka, siguran sam da se on dijelom upoznao sa ovim svojim obavezama u Ministarstvu, ali ovdje ga zaista čeka nekoliko jako kompleksnih i teških poslova osim onih redovnih isplata i potpisa koji su pitanje funkcionalnosti, imate sada te neke tema za koje smo opet s druge strane, čini mi se kao Skupština i kao Vlade bili malo hrabriji pa pokrenuli neke procese. Pokrenuli smo integracije Univerziteta. On je napravio svoj prvi korak iskorak u smislu objedinjavanja akata, izbora jednog univerziteta, izbora rektora, znači tu smo mi pokazali jednu dozu ozbiljnosti i hrabrosti. I zapeli smo na ovom dijelu koji je još uvijek tabu tema. Činjenica da najveći dio profesora u akademskoj zajednici s razlogom može biti nezadovoljan je nepobitna. S druge strane je činjenica da jedan dio akademske zajednice ne dozvoljava (nerazumljivo) svom osnivaču da u potpunosti ima uvid u način i poslovanje nekih od fakulteta, pogotovo ovih elitnih fakulteta je druga strana te medalje i priče. U jednom biznis planu Ekonomskog fakulteta za ovu godinu stoji stavka u kojoj piše Ugovori o djelu 3,5 miliona KM. Mimo svih redovnih primanja i plata za koje kažem još jednom u totalu u akademskoj

zajednici i jesu minorni i ispod onoga što član akademske zajednice treba da zarađuje. S druge strane na tim elitnim fakultetima uglavnom pod političkom kontrolom žive i rade profesori koji su na onim listama od stotinu najplaćenijih ljudi u državi BIH. Taj debalans je tabu tema. I nama treba hrabar i odgovoran ministar obrazovanja koji smije ući u koštac sa takvim problemima. Druga strana medalje su ova dešavanja u srednjem i osnovnom obrazovanju. Činjenica da je u ovoj godini, najtežoj fiskalnoj godini za Kantona Sarajevo ova Vlada Kantona načinila ozbiljne iskorake, prihvatila uslove sindikata, promijenila njihove osnovice, promijenila njihova primanja, koeficijente, platila razlike, platila zaostatke u isto vrijeme kada i svim ostalim budžetskim korisnicima, u najmanju ruku nisam očekivao hvalospjeve jer i tamo ima poludirigovanih političkih procesa, očekivao sam odgovorniji odnos tih sindikata prema ovoj Vladi. Možda je posljedica činjenica da ne komuniciraju sa vladom zato što nemaju resornog ministra. Tu vrstu dijaloga nadam se brzo će uspostaviti novi resorni ministar i otvorit će i te teme koje se tiču naravno i finansiranja. I ja sam dobio ozbiljne dokumente u kojima piše da je preko 500.000 KM s nivoa kantonalnog i federalnog sindikata uplaćeno na račune tih, možemo reći firmi. Za koje opet s druge strane postoji drugi dio drugog sindikata koji donosi ozbiljne akte i kaže da oni nisu legalni i ko biva nemojte to talasati, jer je izborna godina neko će se za vas naljutiti pa neće glasati. Nemojte molim vas ministre tome podleći nego budite ozbiljni, odgovorni i profesionalni. I taj dio boravka u MUP-u iskoristite u svrhu rješavanja ove vrste problema. Dakle to je ono nekako moj globalni malo grublji osvrt na ono što se tamo dešava i mislim da neće smetati ovo iskustvo koje je ministar imao zbog nekih problema koji zaslužuju pažnju i MUP-a a sve u svrhu rješavanja problema 90% ljudi u obrazovanju koji zaslužuju bolji status i bolji tretman. Imamo još dva ili tri projekta koja smo ovdje počeli i imali smo raspoloženje ministara da se završe, mislim da su kapitalni a tiču se za izgradnju osnovnih škola u Hadžićima, osnovne škole u Ilijašu, osnovne škole u Blažuju. To su stvari koje smo pokušavali riješiti na dva ili tri načina. Ja vas molim da se zbog tih ljudi borite da se to nađe u budžetu. Mi obećavamo podršku i nadam se da će svi u Skupštini Kantona shvatiti koliko to jesu značajni i bitni projekti da nećemo pokušati rješavati probleme na drugim mjestima. Ono što su vaša znanja i profesija mene ohrabruje jer vaš kolega čini mi se po struci, bivši ministar po zvanju kolega je bio odličan ministar. Žao mi je što je napustio ovu Vladu. Njegov pragmatizam je bio na vrhunskom nivou. Započeo je neke projekte. Žao mi je što je otišao u sred tih projekata i sa aspekta i vaše titule i boravka u akademskoj zajednici i ovog dijela provedenog u MUP-u ja mislim da vi jeste kapacitirani i naravno potpisujem što je rekao dr. Nabil, mi vam dajemo podršku, a ovdje vjerujte ministri imaju takva iskustva mi sve što mislimo da nije dobro bez obzira ko kojoj većini ili manjini pripada problematiziramo i imat ćete tu vrstu komunikacije sa svima nama u Skupština Kantona Sarajevo. Hvala.

Poslanik/zastupnik Selma Filipović replika:

Ja se izvinjavam ali se ne bih složila sa kolegom Konakovićem u jednom a to je pomenuo je elitne fakultete. Ne možete kažnjavati akademije i fakultete zbog malog broja elitnih fakulteta. Mislim da je više akademija koji nemaju dovoljno niti svog prihoda niti mogu ostvariti vlastiti prihod. Tako da ne bi smjeli znači kažnjavati zbog određenih fakulteta, ja ih ne bi sada ovdje kolega imenovala, mislim da je više onih koji nemaju sredstava i kojima prijeti ono što prijeti i našem Grasu i ostalim javnim preduzećima, a to je da ostanu bez električne energije, i koji se nalaze pred zatvaranjem. Međutim kada smo mogli zatvoriti muzeje koji su jako bitni onda možemo i akademije. Hvala lijepo.

Poslanik/zastupnik Elmedin Konaković odgovor na repliku:

Mi se vjerovatno nismo shvatili, ja sam sve rekao ovo što ste vi rekli. Dakle ja mislim da činjenica da mi ne možemo doći do trezorskog poslovanja, ne možemo uvući u sistem

akademska zajednicu u trezorsko poslovanje baš zbog otpora tih nekoliko elitnih ili nekoliko ljudi ili profesora baš proizvodi tu vrstu problema, ja mislim da mi isto govorimo. Da kada bi se bolje rasporedila sredstva ne naravno ne zanemarujući činjenicu da jesu neki fakulteti i potentniji i da treba da iskoriste te potencijale i imaju relativno bolja i primanja i bolje finansije na tim fakultetima. Ali je činjenica da se u tom totalu akademske zajednice i baš iz tih sredstava može finansirati ova drastična razlika većeg broja profesora na UNSA. Ja o tome govorim. Kada god smo pokušali otvoriti tu temu naišli smo na zatvorena vrata. S druge strane naravno problematizira se status zato što veći dio profesora nema adekvatna primanja i ja se s tim slažem i zato i apeliram da se otvori priča o Ekonomskom fakultetu, o Pravnom fakultetu, o njihovim bankovnim računima, o enormnim iznosima i primanjima, u odnosu na profesore na Veterinarskom, na Akademiji scenskih umjetnosti, Likovne umjetnosti, na ljude koji žive isključivo od suhe plate koja je mala i koja sada nije redovna. Znači zbog toga sam ja govorio i nikako drugačije i mislim da mi potpuno identično govorimo o tom problemu. Hvala.

Poslanik/zastupnik Zaim Backović:

Gđo predsjedavajuća drago mi je da ste ponovo sa nama. Nadam se da ste dobro, naravno. U ukupnom elaboriranju mislim da je bespredmetno elaborirati ono što smo dobili zato što bezdilemno i akademsko iskustvo predloženog kandidata nije malo. Obzirom da ovdje sjede ljudi koji su prošli taj razvojni put, znaju šta znači biti vanredni profesor na UNSA koji se zove Sarajevski, odnosno koji sve rad iza osobe, ja ovdje ne govorim o osobama koje su to sticale na načine na koje su sticale, nego osobama koje su to u redovnom proceduri, odnosno onako kako bog zapovijeda sticale. Ulaziti u meritum kvaliteta je u najmanju ruku deplasirano i nepristojno obzirom da se radi o osobi koja u svom obrazovanju i sigurno kvantumu znanja zaslužuje da se o njoj govori sa pijetetom, sa punim uvažavanjem. I ovdje ću citirati rečeno iz 1941. godine iz marta, iz članka Prof. Šabanovića. „Mi bi više vjerovali Tibetancu da nam dođe nego svom najumnijem i najmudrijem čovjeku. Mi više volimo tuđe smeće nego svoje dobro.“ I ja ovdje apeliram da počnemo pozitivno razmišljati. Predloženi kandidat je naše dobro. I mislim da je vrijeme da počnemo pozitivno da razmišljamo. Da prekinemo sa praksom u kojoj nipodaštavamo jedno a uvećavamo ili glorificiramo drugo. Naravno i profesori sa Medicine su profesori, i profesori sa Prava su profesori, i profesori sa Kriminalistike su profesori i profesori.. i svi u svojim branšama zaslužuju puno poštovanje. Ja ću kao pojedinac bezdilemno podržati prijedlog imenovanja ministra. Hvala.

Poslanik/zastupnik Nedžad Fazlija:

Zahvaljujem predsjedavajuća. Prvo moram malu reakciju da tako kažem na početak diskusije kolege Mehmedića. Ja ga poznajem kao čovjeka gospodina, zastupnika koji ima naklonost, odnosno pokazivao je naklonost prema damama, i ona opaska na vaš rad predsjedavajuća, najmanje mu je trebala i ja mislim da bi napravio jedan korektan i džentlmenski potez i evo pozivam ga ovom prilikom da uputi izvinjenje predsjedavajućoj Skupštine. Čuli smo, evo ustvari provejava da je i kolega Čardžić rekao da je SDP maltene za sve kriv, da SDP blokira sve procese u Kantona Sarajevo. E sada ja ne znam kojom računskom operacijom je on došao do toga da mi sa osam zastupnika ili osam ruku možemo nadglasati ostalih 35 zastupnika pa da se u Skupština Kantona Sarajevo sve dešava onako kako SDP hoće. Također provejava da je maltene i SDP kriv što nemamo ministra da li od maja, da li od oktobra sasvim svejedno. Još jednom ću reći, to smo do sada i pokazali, Klub SDP-a je uvijek glasao i glasat će za ono što je u skladu sa zakonima, što je u interesu građana bez obzira što to predloži ili dostavi nam Vlada kojoj mi nismo dali prilikom imenovanja našu podršku. Klub SDP-a ni na koji način se ne osjeća odgovornim za stanje u obrazovanju i u kantonu. Odgovorni ste vi gospodo i gospođe koje ste se okupili oko SDA i formirali ovu većinu. Većinu za koju smo mi već u startu i prilikom formiranja rekli da

neće imati dugotrajan rad a pogotovo ne uspješan. Na žalost to se obistinilo. Vi ste se već nakon samo nekoliko sedmica posvađali. Preuzeli ste odgovornost ne samo da postavljate i smjenjujete nego da preuzimate odgovornost u rješavanju problema. Ali vi ne samo da rješavate te probleme na kvalitetan način nego ih nikako ne rješavate, čak i proizvodite nove. Na koji način vas je SDA okupila, to je vaš problem. Da li ste se okupili oko zajedničkih programa, u što sumnjam. Ili su bili neki drugi motivirajući faktori. Ali je vrlo nekorektno da probleme koji su nastali vašim nesuglasticama prebacujete na drugoga. SDP kao opozicija nije podržao način na koji se formirala ova parlamentarna većina. Nismo podržali imenovanje Vlade, ne podržavamo politiku koju vodi ova parlamentarna većina i Vlada i iz svih tih razloga nećemo podržati ni ovo imenovanje. Hvala vam.

Poslanik/zastupnik Zaim Backović poslovnička intervencija:

Molim vas gđo predsjedavajuća, da svakog od poslanika od mene pa na dalje upozorite da je tačka dnevnog reda izbor, a ne koja je većina, kako je nastala većina, bila je prethodna većina. Pa je ova. Pa ko zna kakvih će većina više biti. To niko ne zna kako je neko, jest nije. To veze nema sa imenovanjem, odnosno izborom ministra obrazovanja, te vas molim da vratite svakog od poslanika.

Predsjedavajuća:

Hvala vam na upozorenju i znam da je dobronamjerno. Moram vam reći a to je rekao maloprije i dopredsjedavajući Ademović da je ovo najužarenija stolica u ovoj Sali. Maloprije kada sam pokušala na sugestiju dopredsjedavajućih da intervenišem kod gđina Čardžića bila sam uvrijeđena i to javno. Jako je teško reagovati, pogotovo zato što ja. Nema ja niti pravo niti mogućnost da posmatram poslovnički drugačije bilo kojeg svog kolegu u ovim klupama i zaista vjerujete da se svi ovdje zajednički trudimo da utičemo na kolege da ostanu u okviru tačaka dnevnog reda.

Poslanik/zastupnik Nedžad Fazlija replika:

Zahvaljujem predsjedavajuća. Kolega Backović je u pravu ovoga što se tiče. Međutim kada se poziva na Poslovnik i tačku dnevnog reda, udaljavanje, onda treba biti korektan i svoje kolege iz parlamentarne većine na isti način da upozori na kršenje Poslovnika. Ja sam iznosio stav Kluba SDP-a u možda minut i pol, do dva i u tom stavu Kluba SDP-a sam odgovorio na sve one navode i sve one napade koje su kolege uputile prema Klubu SDP-a. Znači ja sam samo odgovorio na šta su se oni davno udaljili od teme napadajući SDP za i onu vremensku nepogodu u SAD.

Poslanik/zastupnik Eldar Čomor replika:

Hvala predsjedavajuća. Sve vas selamim i pozdravljam. Pa replika kolegi Fazliji. Nema potrebe da slušamo neke političke pamflete ovdje od strane predsjednika Kluba SDP-a niti odgovore na način kako je to kolega Fazlija prezentovao nama ovdje zastupnicima kako smo mi nešto pričali itd. je pozicija ili opozicija. Mislim da je situacija po ovom pitanju, po onome zbog čega smo danas ovdje došli, izuzetno ozbiljna, da je stvar o kojoj raspravljamo isto tako izuzetno ozbiljna, da je ovo Ministarstvo slažem se sa kolegama koji su govorili o vrućoj stolici u Ministarstvu i problemima s kojima će se ovaj ministar susresti. Kolege su isto tako govorile da u ovoj godini krize i predizbornoj godini neće se stvari neke moći promijeniti ali možda je ovo šansa da se neke stvari koje su počele da se dovedu do kraja i da se neke stvari stave tamo gdje trebaju. I kada govorimo o broju zastupnika, kolega Fazlija ispade da je nas ovdje 43. i kada govorimo o računskim operacijama. Rekli ste kada oduzmete osam zastupnika SDP-a ostalo je 35. nema nas 43. ostalo je 27. hvala.

Poslanik/zastupnik Zaim Backović replika:

U toku poslovnice intervencije nisam spomenuo ni gđina Fazliju, ni SDP nego sam govorio za sve poslanike i rekao sam da sve poslanike tako da. Molim? Ja nisam uopšte spomenuo ni SDP ni bilo koga. Hvala.

Poslanik/zastupnik Amir Zukić:

prvo bih se gđo predsjedavajuća kada bi u replike jedna na drugu u nedogled prekinite ih to imate pravo, zaustavite ih. Vi možete i predvidjeti kako će šta i ko reagovati. Drugo kolegi Fazliji tačka dnevnog reda je izbor ministra i samo vaša zadnja diskusija se osvrće i rečenica da nećete podržati izbor ministra u skladu sa tačkom dnevnog reda. Svi vaši raniji komentari o koalicijama o svemu današnja politička stvarnost je takva da ste vi sve koalicije sa svima u BIH razbili nemojte drugima držati te političke pridike. Sada bih se osvrnuo na ono tačku dnevnog reda na kojoj jesmo a to je izbor ministra i naša očekivanja. Biografija radni vijek gđina ministra sigurno obećavaju da će on sa znanjem i iskustvom dobro raditi. Ja želim ovdje da skrenem pažnju da je Ministarstvo jako glomazno i da treba krenuti u reforme ministarstva. Uvod je dao kolega Konaković. Nemoguće je u toku godine za 365 dana da vi obavite jednu svakim danom makar s jednim rukovodiocem iz tog ministarstva. Red bi bio ne možete upotpuniti. I treba u budućim planovima razmisliti o reformi tog ministarstva. To je jedno. I drugo započeti procesi unutar ministarstva o čemu sam i ja i kolege podnosili inicijativu o lakšoj školskoj torbi, o reformi školskog sistema, udžbenicima koji su zatrpani nepotrebnim i glomaznim gradivom očekujem od ministra u ovom periodu koji mu je ostao do kraja da kroz Pedagoški zavod napravio reforme, olakša djeci školsku torbu, školu učini primamljivom a ne s teretom i da udžbenici i gradivo budu prihvatljivi i dostupni i razumljivi djeci. To su moja očekivanja. Sigurno i moja i podrška kolega neće izostati.

Poslanik/zastupnik Nedžad Fazlija:

Slična replika kao i kolegi Backoviću. Gospodine Zukiću ja sam evo još ću vam jednom ponoviti ako treba i pročitati ću ovih dvije tri rečenice što smo mi kao Klub SDP-a odgovorili na sve napade ovdje koji su bili upućeni prema Klubu SDP-a. Ako mi nemamo pravo na svoje mišljenje i pravo da ga iznesemo i ako se to nekome ne sviđa onda nam se pokuša povući prema. Predsjedavajuća ja vas molim da kolege koji dobacuju da ih opomenete jer ovo nije korektno. Klub SDP nije nikada ni na koji način, ja sam čuo dobacivanje ni na koji način nikome ne dobacuje, pogotovo iako se slaže iako se ne slaže sa mišljenjem, mislim da je to vrlo nekorektno od kolega zastupnika jer izgleda da ne žele da čuju ono što ih boli. I mi smo u dvije tri rečenice odgovorili na sve napade evo sat i pol vremena se napada ovdje samo zato što imamo drugačije mišljenje u ovoj Skupštini. Ne možemo nismo svi isti ne možemo svi imati isto mišljenje i to treba kolege da prihvate i ne vidim razlog što ovolike replike. Iznijeli smo svoj stav i na kraju ćemo glasati o tome i gotovo.

Poslanik/zastupnik Amir Zukić replika:

Kolega Fazlija u vašem odgovoru na vašu repliku svi su drugi krivi sem vas. Kolega Fazlija još ste držali politički govor. Optužili ste sve za koalicije sa svima. U ovoj zemlji vi ste koalirali sa svima i sa svima ste te koalicije razbili. Pogledajte se u svoje ogledalo i priznajte vlastite greške. Nemojte drugima pridike držati. Ja sam vam samo skrenuo pažnju.

Predsjedavajuća:

Molim vas ovo je sada što je rekao gospodin Zukić mimo dnevnog reda. Ako će i vaš odgovor biti mimo dnevnog reda onda očekujem da će me opet gospodin Backović upozoriti poslovnici da ne prekidam kolege koje se ne pridržavaju dnevnog reda.

Poslanik/zastupnik Nedžad Fazlija:

Ponovit ću ono što ste vi predsjedavajuća rekli i to kolege potvrđuju a ne znam zašto meni spočitavaju da se odaljavam od tačke dnevnog reda. Kolega Zukić govori o stvarima koje nemaju veze sa Skupština Kantona Sarajevo i evo treći put ću ponoviti ako treba i četvrti put ako mi neko replicira. Mi smo odgovorili na sve napade koji su se desili u zadnjih sat i pol na Klub SDP-a. U tri rečenice i nikakve političke govore nismo držali nego smo samo branili naš stav. Kratko i jasno.

Poslanik/zastupnik Branislav Crnogorac:

Evo ja ću konkretno. Dakle kandidatu prof. Milosavljeviću imam određen broj pitanja jer pretpostavljam da prije nego što se budemo opredijelili da će i sam kandidat se predstaviti i na određen način pokušati da odgovori na naša pitanja. Dakle jedno od mojih pitanja je šta je uvaženog profesora vodilo da se kandidira za funkciju ministra obrazovanja? Zatim, koliko je upoznat sa problemima u obrazovanju? I ono što je najbitnije na koji način misli riješiti bremenite probleme u obrazovanju s obzirom na nedostatno iskustvo u radu kada je pitanje obrazovanja? Hvala.

Predsjedavajuća:

Zaključujem raspravu jer nema više prijavljenih i pozivam premijera Zeljkovića da pokuša da odgovori na vaša pitanja. Kandidat za ministra to ne može, protokolarno.

Premijer Suad Zeljković:

Hvala lijepo gđo predsjedavajuća. Dakle evo, ja ću pokušati sublimirati ono što sam čuo. Očekivano, potpuno na fonu onoga što čini sadašnji politički momenat saziv Skupštine i sasvim je dobro što javnost ovo sluša. Prepoznaju ljudi što treba da prepoznaju. Bilo je nekoliko pitanja i ja ću pokušati odgovoriti nešto direktno, nešto indirektno, pa vas molim da to akceptirate.

Dakle, predloženi kandidat je više od 20 godina radio i radi u sistemu obrazovanja. Dakle, spočitavati da ono što ga određuje sa radnim odnosom nije dominantno u njegovom CV-u ili na način kako se može doći do informacija, vidjet ćete da je predavao i u osnovnoj školi i na fakultetu, na nekoliko univerziteta, različitih. Dakle, radi u sistemu obrazovanja. Radio je i radi u sistemu obrazovanja. Doduše u zadnje vrijeme je distanciran od takve vrste aktivnog posla. Pojavilo se čini mi se gospodin Zeković je, zašto baš iz ove branše a ne zar od toliko doktora. Vrlo očekivano pitanje za naše podneblje i univerzalno bi bilo postavljeno da je bilo ko drugi. Bilo tko da je imenovan kao kandidat iz bilo kog, to pitanje bi bilo vrlo univerzalno pitanje. Tražili smo prije svega, ja sam tražio da se radi o časnom, čestitom, poštenom čovjeku prije svega, a onda sve ono što dolazi sa akademskom titulom ili sistemom. Ja sam dobio nekoliko pitanja koja su bila, kada ćete već jednom imenovati nekog iz osnovnog obrazovanja, dosta je više ovih iz visokog. Valjda ne treba da bude doktor nauka, nego bi trebao da bude učitelj da bi se jedna kategorija zadovoljila. Iz nekoliko diskusija kao da se priziva štrajk. Dakle i to je jasno i tu nema nepoznanica. Jedva se čeka da se organizuje na način tako što se nekim polu-političkim djelovanjem djeluje na predstavnike sindikata i očekuju se protesti na ulicama i svakako da pogoduje to što nemamo aktualnog ministra da bi se te strelice usmjerile prema Vladi ili prema meni osobno. I to je potpuno pročitano štivo i to se zna. Dakle nema tu nikakvih nepoznanica i to je legitimno pravo, i to je, kao što reče uvaženi zastupnik Fazlija, različitost stavova, mišljenja.

Bože moj. Mislim da u ovom momentu bila su dva pitanja koja su vrlo slična u smislu da li ćete pa je onda bilo upućeno za kapitalne projekte, prije svega za Studentske domove ili za još jedno. Mislim da u ovom momentu takva pitanja upućivati čovjeku koji još nije izabran nije dobro jer ne može niko uzeti obavezu na način da još nije ni imenovan. Ali isto tako želim da u to ime dam odgovor. Dakle zadatak Vlade je da prije svega da u ovom resoru, a samim tim resornog ministra ispoštuju sve zakonom predviđene procedure i obaveze. Kada se te zakonom predviđene procedure i obaveze izvrše onda će se rasporediti na prioritete, prije svega nulte prioritete i određene prioritete u sistemu obrazovanja koji budu moguće za izvršiti. To znači oni projekti koji su započeti. Oni projekti koji imaju projektnu dokumentaciju ili oni projekti koji vitalno ugrožavaju određene interese. Studentski domovi jesu svakako, inače populacija koja je vezana za studentske domove jesu svakako jedan od prioriteta. On nije tako jednostavan u smislu da on samo tretira ljude koji stanuju u Sarajevu jer tamo uglavnom stanuju djeca koja nisu iz Sarajeva, obaveze iz drugih Kantona. Ali sve to skupa plaća Kanton Sarajevo i po tom pitanju zaista treba poraditi ozbiljno i to će biti dio rješenja a li u ovom momentu se možda ne bih mogao eksplicitno na ovakav način odgovoriti. Da, bit će, pa da ne bude, da bi se ličnost dovela u situaciju da se okarakteriše brzog davanja. Na tom fonu je i ovo što je dr. Crnogorac. I žao mi je što dva doktora nauka na ovakav način dakle i to je Bosna. Ja sam očekivao da doktor Brane Crnogorac da podršku doktoru Milosavljeviću, bar zbog one titule doktora a ne zbog nekih drugih razloga. Odgovarati na ovakva pitanja da se predstavi. Nije to radio ni jedan ministar. Ni jedan kandidat, pa neće ni ovaj, na način kako ste vi to zamislili. Kratak osvrt i na ovo što je uvaženi šef Kluba zastupnika SDA i to mi se jako sviđjelo, zapisao sam. Sve ono što dođe bez obzira iz koje Vlade a u skladu je sa zakonima i propisima mi ćemo podržati. Puna podrška ovom vašem stavu i SDP-a ako sam izgovorio nešto pogrešno, oprostite molim vas. SDA sam rekao? Valjda mi je SDA u krvi pa sam ovaj, oprostite zaista nije bila nikakva namjera. Dakle tako bi trebalo biti i ne sumnjam zaista u namjeru iskrenost velikog dijela ljudi, no život zaista čini ponekad neke kompromise mimo naše volje i ja to razumijem. Bilo koja varijanta koja bi vodila ne imenovanju ministra ili bilo koja varijanta koja bi ostavila prostor za djelovanje koje bi izazvalo određeni kaos u Sarajevu je nepovoljnija od ovoga što mi nudimo. Prema tome, potpuno razumijem priželjkivanje protesta, kao da će neko naći sreću u nečijoj nesreći. Potpuno razumijem i želju da se i ovaj dio vlasti formira na ovakav način sa svim svojim mahanama, pokuša spriječiti. Sve to razumijem ali ne možete ni osporiti ni nama da pokušavamo održati ovaj voz na ovoj pruzi. Pokušavamo održati vitalne funkcije, pokušavamo održati Sarajevo u statusu onoga što ono zaslužuje, kada mnogi u državi ne razumiju šta to Sarajevo čini i predstavlja. Dakle moj susret sa, dakle ministar finansija i ja smo se susreli sa našim kolegama sa federalnog nivoa. Onog momenta kada smo im prezentovali da ne možemo fizički, da ne možemo ono što je Zakon rekao osnovne stvari ispoštovati oni su ostali u čudu kao da prvi put vide tu materiju. Dakle postoji jedno nerazumijevanje ne shvatanje ili nedosljednost u načinu razmišljanja o pojedinim problemima. Sigurno da će biti određene vrste i upitnika odnosno i nezadovoljstva zašto dolazi i to je bilo postavljeno iz MUP-a u smislu da li je to naznaka nečega što bi čovjek trebao raditi. Apsolutno ne. Akademska titula i ono za šta smo školovani nas ne opredjeljuje ili ne utiče mnogo na način zasnivanja radnog odnosa i to su procesi u toku života koji se dešavaju ako su ispunjeni ostali uslovi. Prema tome, to mene nije opredijelilo da kažem da bi on tamo bio bolji. Konačno, ako hoćete možemo i otvoriti pitanje zašto je puno drugih iz drugih branši pa između ostalog ako hoćete i ljekara doktora i pravnika i mašinskih raznježeni u nekim drugim branšama pa im to niko ne osporava. Ovdje je ta povezanost jako izražena i napominjem radi se o čovjeku koji je rođen u Sarajevu, radi se o čovjeku koji je bio najbolji student svoje generacije ako su to uslovi koji treba da se kao odrednica reflektuju na ono što će raditi. Radi se o najmlađem doktoru nauka u momentu kada je završio. Zamislite da toga nema. Zamislite kako bi onda bilo a zašto to? Zato mi je logično kada pitanje o doktoru nauka dolazi od nekog ko ima srednju školu. Ali kad od

doktora nauka dolazi doktoru nauka onda to treba da otvori drugačiji način komunikacije. Dakle, kao premijer i kao predlagač smatram da doktor Milosavljević ne treba da se upušta u ovom momentu u ono što bi značilo otvaranje političke priče jer on nije politička priča. Upravo iz tih razloga je i dilema koja je došla od čini mi se dva poslanika, zašto nisu bili, i to obadva poslanika koji formalno pravo čine parlamentarnu većinu nisu bili upoznati sa prijedlogom zašto itd. I tu leži jedna od razloga zašto sam htio neovisnog kandidata, profesionalnog čovjeka koji je odsječen od onoga što se zove opterećenje dnevne politike. To je nekada nemoguće uraditi u cijelosti ali može imati značajno u svom određenju dio odrednice i može biti prednost. U ovom slučaju kod dr Milosavljevića je to svakako slučaj. Ja vas molim, iako su odluke pretpostavljam po principu onoga što je ovdje ustaljeno već u vašim određenjima donesene ali vas molim da uvažite ovo što sam rekao, da prema doktoru Milosavljeviću izrazite jedno poštovanje što se tiče akademskog, ljudskog i svega onoga što on kao građanin Sarajeva čini, a naravno ostaju sve različitosti u mišljenjima o onome što bi moglo nositi kao funkciju ministra obrazovanja.

Predsjedavajuća:

Hvala lijepo premijeru. Evo ja imam prijavu. Poslanik Efendić ima potrebu još nešto da kaže. Izvolite.

Poslanik/zastupnik Faruk Efendić:

Zahvaljujem uvažena predsjedavajuća. Ja imam da tako kažem repliku premijeru na njegovo uvodno izlaganje. Dakle, na neki način premijeru je prešlo u naviku da određenim paušalnim ocjenama uvijek ocjenjuje rad svih zastupnika u Skupština Kantona Sarajevo, pa je onda rekao jednu rečenicu, citiram: „Građani to prepoznaju ili ne prepoznaju“. Pa sada ja postavljam pitanje šta kod koga od zastupnika trebaju građani da prepoznaju ili ne prepoznaju. Dakle to je na ovo uvodno izlaganje premijera. I molim odgovor, netačna je činjenica je predloženi kandidat neovisan i da nije postavila politika. Pa ja evo postavljam pitanje i tražim decidan odgovor da li je predloženi kandidat član Savjeta za sigurnosnu politiku u SDA? Dakle, ja imam te podatke i nije tako teško doći do tih podataka. Dakle nije tačno da nije politika i da je predloženi kandidat neovisan. Dakle tražim decidan odgovor. Hvala.

Dopredsjedavajući Kemal Ademović poslovnička intervencija:

uvažene zastupnice, zastupnici, premijeru i članovi vlade, predstavnici javnih institucija, dragi gledaoci TVSA sve vas selamim i pozdravljam. Moja poslanički intervencija odnosi se na sljedeće: zastupnik Efendić nije u vrijeme kada je bilo otvoreno postavljanje pitanja nije postavio pitanje kako je to bilo po poslovničkoj proceduri i sada se referira na uvodno izlaganje premijera. Premijer je sada imao završno izlaganje. Dakle završnu riječ a ne uvodno izlaganje koje je imao na početku na otvorenju tačke kada je zastupnik Efendić mogao kroz postavljanje pitanja a onda kroz diskusiju da da svoj komentare. Dakle u ovoj fazi moguće je samo onome ko je postavio pitanje tokom diskusija premijer odgovarao da postavi dodatno pitanje razjašnjenje na svoje postavljeno pitanje odgovora u trajanju od dvije minute i odgovor od strane premijera u trajanju od dvije minute. Tako da ovo što je uradio zastupnik Efendić smatram kršenjem poslovnika.

Poslanik Faruk Efendić:

zahvaljujem predsjedavajuća. Ja kada sam reagirao nisam reagirao na uvodno izlaganje premijera kod predstavljanja kandidata. Već na zadnje izlaganje, na početku zadnjeg izlaganja i tačno sam decidno citirao šta je premijer rekao. Toliko što se tiče prvog dijela vaše replike. Moje pitanje ne mora biti na početku otvaranja tačke kada predsjedavajuća kaže ima li pitanja po tački. Ono može proizaći iz diskusije, i sada je proizašlo moje pitanje na osnovu izlaganja premijera da je

kandidata neovisan da je van politike itd. Ja samo sada tražim da odgovori da li je predloženi kandidat u Savjetu za sigurnost SDA? Eto ništa više. Hvala lijepo.

Dopredsjedavajući Kema Ademović:

odgovor na repliku. Dakle ono što sam potpuno tačno zapamtio jeste da je zastupnik Efendić rekao na uvodno izlaganje premijera. Dakle imam na uvodno izlaganje premijera. Uvodno izlaganje je bilo na otvaranju tačke. I nakon toga je slijedilo postavljanje pitanja na koje se niko nije prijavio. Dalje, vi uopšte niste iskoristili pravo na diskusiju kojom prilikom ste mogli otvoriti pitanja niti postaviti pitanje premijeru itd. nego to radite nakon zaključene rasprave. Nakon zaključene rasprave i nakon završnog izlaganja premijera i odgovora na pitanja, kada se ostavlja mogućnost da samo onaj ko nije zadovoljan odgovorom na pitanje da postavi dodatno pitanje radi pojašnjenja njegovog odgovora. Tako da mislim da poslovnički nije u redu da premijer odgovori na ovo pitanje.

Predsjedavajuća:

hvala lijepo. Očito da gđin Crnogorac hoće da podsjeti premijera da nešto nije odgovorio. Izvolite gđin Crnogorac.

Poslanik Branislav Crnogorac:

ja samo želim reći da nisam imao nikakvu zlu namjeru i moram priznati da nisam znao da nije uobičajeno da se kandidat na određeni način predstavi ili odgovori na neko pitanje jer koliko se sjećam uobičajeno je ako je neko kandidat za neku funkciju da izloži svoj program i slično. Dakle iz najbolje namjere sam postavio sva svoja pitanja, nisam htio da budem maliciozan niti provokativan ali u suštini nisam dobio odgovor na ono što sam tražio i ako je to moguće da se i sam kandidat danas i ovdje obrati, ako nije ja se izvinjavam. Prijatno.

Predsjedavajuća:

imat ćemo ja se nadam prilikom da čujemo budućeg izabranog ministra ali sada kao kandidat on nema pravo da se obraća. Gđo Srna izvolite.

Poslanik Segmedina Srna:

zahvaljujem. Nadam se da me nećete upozoriti da kršim Poslovnik. Htjela sam samo podsjetiti da ovo nije bila neuobičajena praksa, je li tako premijeru, da komuniciramo na ovakav način jer naprosto izlaganje premijera ili nekoga od ministara proizvede potrebu da postavimo određeno pitanje da reagiramo ili damo svoj komentar. Eto to je ono na šta sam ja htjela upozoriti bez namjere da dalje sada ja se nisam htjela baviti CV-om ministra, zato nisam ni diskutirala. Svi smo otprilike izrazili poštovanje spram onoga što stoji tamo i podržavam kolege da možda premijer pokuša odgovoriti na ono šta jeste program našeg budućeg ministra kada bude izabran. Podsjetit ću samo na još jednu činjenicu da u svjetskoj demokratskoj praksi nije poznato da se opozicija petlja u izbor vlade tako da će to biti jedan od razloga zašto ćemo mi biti suzdržani kod izbora novog ministra. Ali bit će zgodno da čujemo šta jeste program.

Predsjedavajuća:

dakle ja zaista sada pozivam prvo sve kolege za malo pažnje i prije nešto što pristupimo izjašnjavanju o Prijedlogu odluke o potvrđivanju imenovanja za ministra za obrazovanje nauku i mlade Vlade Kantona Sarajevo neka službe provjere jesu li svi oni koji su danas došli u sali. Čini mi se da jesu ali da ne bude da.

Mogu li pozvati uvažene kolege poslanike da pristupe izjašnjenju o Prijedlogu odluke o potvrđivanju imenovanja Prof. dr. Mladena Milosavljevića na dužnost ministra za obrazovanje nauku i mlade Vlade Kantona Sarajevo .

Prisutnih 33, po ovom izjašnjanju ZA 17, uzdržanih 16 i niko protiv.

Poslanik Elmedin Konaković:

izražavam sumnju u glasanje i tražim pojedinačno izjašnjanje.

Sekretar Abid Kolašinac provodi pojedinačnu prozivku:

- a)Ademović Kemal – za
- a)Ademović Kenan – ZA
- a)Alić Haris – za
- a)Backović Zaim – za
- a)Bajrović Izudin – za
- a)Brigić Ivan – suzdržan
- a)Crnogorac Branislav – suzdržan
- a)Čardžić Damir – za
- a)Čomor Eldar – za
- a)Efendić Faruk – suzdržan
- a)Fazlija Nedžad – suzdržan
- a)Filipović Selma – za
- a)Hajdarević Hadžem - suzdržan
- a)Hodžić Dževad – za
- a)Hodžić Sabahudin – suzdržan
- a)Hošić Mujo – suzdržan
- a)Jurić Mira – za
- a)Kojović Predrag – suzdržan
- a)Konaković Elmedin – za
- a)Malić Mirjana – suzdržana
- a)Mašović Amor – za
- a)Mehmedić Besim – suzdržan
- a)Mulaosmanović Fikreta – suzdržana
- a)Naser Nabil – za
- a)Papo Edina – opravdano odsutna
- a)Pindžo Mirsad – suzdržan
- a)Radeljaš Esed – za
- a)Rađo Dževad – opravdano odsutan
- a)Solaković Adnan – za
- a)Srna Bajramović Segmendina – suzdržana
- a)Talović Munir – za
- a)Vajzović Hanka – suzdržana
- a)Zeković Enes – suzdržan
- a)Zukić Amir – za

nakon pojedinačnog izjašnjavanja zastupnici su glasali ovako: 17 zastupnika je glasalo za i 16 zastupnika se izjasnimo kao uzdržano.

Predsjedavajuća:

dakle ponavljam zbog zapisnika s obzirom da je 17 poslanika bilo Za a 16 protiv, što nije dovoljna većina konstatujem da Skupština nije donijela odluku o potvrđivanju imenovanja Prof. Mladena Milosavljevića na dužnost.

Premijer je tražio riječ. Izvolite uvaženi premijeru.

Premijer Suad Zeljković:

hvala lijepo. Dakle obraćam se javnosti. Potpuno ste preuzeli ulogu i bit ćete odgovorni gospodo imenom i prezimenom. Nemam više ni jednog razloga da pred javnosti građanima BIH, građanima Kantona Sarajevo imenom i prezimenom ne kažem ko je odgovoran za ono što će slijediti. Premijer i Vlada Kantona Sarajevo nisu odgovorni za stvari koje ste vi svojim politikantstvom politikom, interesom koji ima duboke korijene uradili i pokazali javnosti, to je vaše pravo. Ali isto tako ćete preuzeti odgovornost da kada istupate u javnosti i dijelite lekcije o onome što bi trebalo uraditi po ekonomskoj, nacionalnoj, političkoj i drugoj okolnosti obrazložite svoje stvarne razloge onoga što ste sada uradili. Potpuno mi je svejedno i zaista me se ne tiče šta ćete poslije ovoga misliti o meni. Potpuno mi je svejedno i ne interesuje me. Ne trebate to ni tajno ni javno govoriti. Zato želim da vam sada kažem i možda jedan od zadnjih puta i da se javno zahvalim SBB-u zato što su principijelno ne pripadajući istoj političkoj ideji pokazali da vrednuju kada treba ono što treba da se vrjednuje. Ostali su pokazali da njihov sitni interes okarakterisan u radnim mjestima, NO, novcu i drugim interesima jeste politikantstvo i hvala bogu da smo različiti i nećemo nikada biti isti kao što reče jedan od prethodnih ministara. Hvala vam lijepo.

Predsjedavajuća:

hvala premijeru. Ja se samo nadam javnosti radi da ovo zadnje što ste rekli je vaše obraćanje na kolege koji su do sada sačinjavali političku volju većine u ovoj kantonalnoj skupštini jer mi iz stvarne opozicije nismo u periodu vaše vlade ni bili zainteresirani niti mogli biti uticati na izbore UO, NO itd.

S ovim smo apsolvirali ovu tačku dnevnog reda. Molim vas nema poslije glasanja nikakvih rasprava. I prelazimo na realizaciju druge tačke dnevnog reda.

Molim vas za još samo malo pažnje. Podsjetit ću vas da smo na sugestiju premijera formulisali drugu tačku. Poslovničku intervenciju predsjednik kluba izvolite gdine Mehmediću.

Poslanik Besim Mehmedić:

ja tražim pauzu i molim članove Kolegija da održimo jednu pauzu u odnosu na diskusiju u odnosu na ono što smo dobili u posljednjem istupu premijera. Pošto neću da izlazim javno sa svojim mišljenjem tražim Kolegij da raspravimo o zadnjem istupanju premijera. Javno to kažem.

Predsjedavajuća:

odmah ću vas zamoliti da mi pojasnite tražite kratku pauzu zbog kratkog sastanka Kolegija. Svaki predsjednik kluba ima pravo da traži sastanak kolegija hitni. S obzirom na ovo precizirao je gđin Mehmedić što je u svom zadnjem istupu rekao premijer. Ako to može biti u deset minuta ja molim članove kolegija u salu 100. oprostite evo vi kada dižete ruku ja u ruci ne znam šta piše poslovničkim intervencija. Molim vas imajte malo strpljenja nikom nisam uskratila niti imam pravo.

Poslanik Tarik Haverić:

poslovnička intervencija. Gđo predsjedavajuća ja sam se javio za intervenciju nakon prve dvije rečenice izgovorene u izlaganju premijera budući da se on obratio javnosti. Javnost se tiče svih nas mi ne možemo dopustiti da se u javnosti iznesu kvalifikacije da nam vi oduzmete priliku da na to reagiramo. Oprostite on se obratio javnosti i prebacio na nas koji smo bili uzdržani, kome god pripadali ovdje određenu odgovornost i sada treba to da se zaključi. To je nedopustivo. Ja želim da se o ovome raspravlja. Kolegij, ne Kolegij, to se mene ne tiče, mi nismo zastupljeni u

Kolegiju. Upravo zato želim da se raspravlja o načinu na koji je premijer javnosti predstavio da pokuša da predstavi tok ove sjednice.

Predsjedavajuća:

Uz dužno izvinjenje, vaša ruka i vaša prijava za mene nisu značili poslovničku intervenciju, ja sam vas samo upozorila da ne možemo otvarati raspravu nakon zaključenja jedne tačke glasanja. Ali. Imamo još intervencija. Moramo dozvoliti i gđinu predstavnicima Naše stranke i svima ostalim. Evo sada ima i gospodin Pindžo i gospodin Konaković i gospodin Mehmedić još neku intervenciju. Poslovnička intervencija gospodin Konaković. Izvolite.

Poslanik/zastupnik Elmedin Konaković:

Ja vas samo molim da držite sjednicu u aktima propisanoj formi. Molio bih sekretara da pročita način sazivanja sjednice Kolegija i ako vi sazivate Kolegij, ja naravno ću prisustvovati Kolegiju. Ako ne sazivate vi, ko ga drugi saziva, jel to najstariji, jel to 1/3, samo bih radi stenograma volio da mi pročitate. Ispoštujte procedure i sazovite Kolegij u skladu sa procedurama. Ne na moj zahtjev. Ja ga ne mogu sazvati, ne može ga ni kolega Besim sazvati. Pročitajte nam način i ne slažem se s kolegom Haverićem. Imaju propisani načini reakcija. Možete replicirati, možete se javiti za reakciju, ne možete u toku sjednice za koju je utvrđen dnevni red, ja hoću da se o nečemu raspravlja. To ne možete uraditi. Možete reagovati na Poslovnik, kršenje poslovnika u toku govora premijera na udaljavanje njegovo eventualno od teme, na nešto što vi ne možete vjerovatno sami, predsjedavajuća možemo mi vama u tome pomoći, ali ne možemo baš praviti dramu i cirkus od nečega što ima akte koji su uobličili naše načine rada. Samo vas molim zbog digniteta Skupštine da u skladu s Poslovnikom sazovete taj Kolegij a u pazi koju traži kolega Besim ili to nemojte uraditi. Ili neka ga sazove jedna trećina ili već propisani. Samo nam pročitajte ko saziva i taj koji saziva nek sazove Kolegij da bih ja došao na Kolegij. Hvala.

Poslanik/zastupnik Mirsad Pindžo:

Gđo predsjedavajuća držite se Poslovnika. Kada jedan klub zatraži pauzu vi ste dužni istog momenta dati pauzu. Prvo ste prekršili Poslovnik i dali premijeru riječ da nas sve onako fino popljuje a onda ste nastavili sjednicu kao da se ništa nije desilo. Zato smo i zatražili pauzu kluba da se u pazi održi Kolegij. Ne može se šutiti na ovakve riječi. Rasprava se o tome mora otvoriti. Ali Kolegij neka u pauzi odluči na koji način ćemo nastaviti ovu sjednicu u skladu sa Poslovnikom.

Predsjedavajuća:

Ja mislim da ne treba da naglašavam da sam u, ovo je u najboljoj namjeri. Gospodin Mehmedić je tražio pauzu, ne zbog pauze nego zbog Kolegija. Ja sada ponavljam. Ako je pauza dobit ćete pravo na pauzu nastaviti ćemo priču. Evo sekretar će vas sada ponovo podsjetiti. Ja se nadam gospodine Konakoviću da ne mislite da sekretar meni treba da pročita Poslovnik. Ali evo neka podsjeti sviju. Izvolite sekretaru.

Sekretar Abid Kolašinac:

Dakle našim Poslovnikom je precizno utvrđena nadležnost Kolegija i postupak i način na koji se vrši sazivanje Kolegija. Dakle član 18 Poslovnika je regulisao tu materiju i ja ću ga decidno jasno i glasno pročitati. Kolegij radi u sjednicama. Sjednice Kolegija održavaju se po potrebi a najmanje jedanput između dva zasjedanja Skupštine. Sjednice Kolegija saziva i vodi predsjedavajuća Skupštine a u slučaju njene spriječenosti, jedan od njegovih zamjenika prema dogovoru između njih. Sjednicama Kolegija prilikom razmatranja materijala sjednica Skupštine prisustvuju predsjednik Vlade i ovlašteni predstavnik predlagača. Sjednicama Kolegija po pozivu

predsjedavajuće, ili na vlastiti zahtjev mogu prisustvovati zastupnici u Skupštini bez prava odlučivanja. Obavijest o održavanju Kolegija dostavlja se zastupnicima u Skupština Kantona Sarajevo.

To je doslovno jasno i glasno rečeno kako ko saziva, isključivo nadležnost sazivanja Kolegija je predsjedavajuće Skupštine.

Poslanik/zastupnik Besim Mehmedić:

Gđo predsjedavajuća ja mislim da nisam izašao iz Poslovnika. Prvo ja sam zatražio kao šef kluba pauzu i vi ste to odgovorili. E sada od vas tražim da sazovete Kolegij i ja sam direktno vama rekao u ovoj pauzi da održimo kratki Kolegij. Neću sada objašnjavati dalje jer sam to već rekao iz prostog razloga da znamo kako ćemo se onda ponašati za rad u ovoj Skupštini. Ja mislim da je moj zahtjev sasvim legitiman i pošto ste vi koji sazivate Kolegij imate odgovornost ja vas ne molim nego tražim da kažete hoće li biti Kolegija ili neće.

Predsjedavajuća:

Ja mislim da nije bilo nikakve zabune. Zaista ste tražili pauzu i zaista ste se obratili meni kao predsjedavajućoj Skupštine kao što bi ste bilo kome drugom da je u funkciji predsjedavajućeg i zamolili da se zbog svega ovoga da bi se znalo šta će se dalje napraviti da sazovem kratki Kolegij. Ja zaista nemam ništa protiv, da pače. Ako će to pomoći uspješnijem radu naše Skupštine u daljem današnjem toku ili u buduću, ja molim kolege koji čine članove Kolegija da se skupimo za pet minuta i da pokušamo tu pauzu od 15 minuta riješiti u 10 minuta sastanka Kolegija.

NASTAVAK NAKON PAUZE

Predsjedavajuća:

Uvažene kolege evo nastavljamo nekoliko kolega je tražilo, a gospodin Mehmedić posebno pauzu po Poslovniku sam ja dužna da pitam a po Poslovniku kolega nije dužan da odgovori ako neće, ali ja se nadam da on hoće da obrazloži pauzu. Izvolite gospodine Mehmediću.

Poslanik/zastupnik Besim Mehmedić:

Hvala gđo predsjedavajuća. Pošto smatram da je ovo što ću predložiti i možda izlazim iz okvira nečega što nije dobra praksa u BIH da se mediji lobiraju. Ja postavljam pitanje da li se ovaj nastavak sjednice snima preko KTV-a? Ako je tako odlično. Zato što je ovo pitanje javnosti. Gđo predsjedavajuća hvala vam prije svega što ste omogućili da imamo Kolegij. S obzirom da smo mi kao Klub zastupnika zatražili ovu pauzu, ja sada predlažem ovoj Skupštini, na osnovu člana 3 Poslovnika Skupštine KTV da izglasa ili ne izglasa sljedeći zaključak. Skupština Kantona Sarajevo će na današnjoj sjednici obaviti raspravu o istupu premijera Kantona Sarajevo nakon glasanja o potvrđivanju imenovanja ministra obrazovanja, nauke mladih Kantona Sarajevo. Dozvolite mi to je moja poslovnička odnosno zastupnička dužnost da obrazložimo. Nastup premijera Kantona je takav da prije svega nama zastupnicima nije dozvoljeno da odgovorimo na taj nastup. Ja neću pokušati nego neću ni jednom riječju izaći iz okvira nečega što želim da branim demokratiju. U ovoj BIH se 20 godina brani demokratija a kada dođemo do ličnih primjera onda izbjegavamo iz različitih politikantskih razloga da to radimo. Ono što je gospodin premijer rekao, tražim od njega da je i dužan i javnosti i ovoj Skupštini, i kao premijer Kantona da objasni ko je od zastupnika primio novac za ovo što se zove glasanje? Ko je od zastupnika korumpiran da ovo ne uradi? A to je bilo izglasavanje. Naše pravo kao zastupnika je bilo i bit će zato što smo birani od građana da glasamo o svakoj stvari po savjesti i po zakonu. Niko od zastupnika bili oni pozitivni ili negativni o glasanju o imenovanju odnosno potvrđivanju

ministara nije izašao iz okvira onoga što se zove Zakon i Ustav ovog Kantona i države BIH. Ali premijer Kantona, premijer Kantona naglašavam je izašao iz ustavnih i zakonskih obaveza da štiti sigurnost svih građana u kantonu a i mi ovdje zastupnici, na način da nas je bez ikakvih razloga optužio da smo korupcionaši. Da uzimamo novac i da imamo sitne politikantske interese. Zato tražim prvog mene, kao Besima Mehmedića, zastupnika u Skupština Kantona Sarajevo da javno optuži za bilo šta što je bilo vezano za ovo glasanje izuzev okvira, javno govorim onoga što je Klub zastupnika SBIH dogovarao u političkim dogovorima sa SDA. Predstavnicima SDA, izuzev okvira političkih dogovora. Ako je iko od ovih zastupnika uradio svojom savješću i zakonom što ga obavezuje da glasa protiv nečega ili da bude suzdržan, to je njegovo zakonsko pravo i ništa drugo. Ali naše glasanje kod premijera izazvalo frustraciju time što nas je optužio, pa i pred sudom ne možete optuživati bez dokaza. Zato tražim od premijera Kantona, namjerno ne govorim ime i prezime jer je ovdje nebitno da javno istupi ovdje pred ovom skupštinom. Sve one dokaze i prvog mene koji imam da je ovo prethodno glasanje bilo na osnovu toga što se neko dogovarao ili nije, a usput da kažem da ni jednog kontakta Klub zastupnika BIH nije imao ni sa kim oko ovog glasanja. Samostalnih. Ni jednog jedinog kontakta nismo imali. Znači nismo imali priliku da o tome raspravljamo čak ni politički. Iz korektnosti, iz potrebe da se odbranimo u dignitetu svi ovdje, a to je vaše pravo, tražim od premijera da kaže, ko je ukrao, ko je uzeo pare, da bi glasao u prethodnom glasanju na način kako se to nekome nije dopalo. A očigledno njemu se nije dopalo. Kao premijer Kantona on nema pravo zastupnicima da objašnjava šta je njemu se dopalo ili nije. Ovo je demokratija i u toj demokratiji ne želim i neću da učestvujem. Da me neko reketira da bi na ovaj način ja ili bilo ko od nas u buduću trebao i da ima i razmišlja o tome da ga neko denuncira. Niti me je denuncirao, mene lično ali tražim od njega da navode koje je iznio za nas zastupnike ovdje, bilo ili za ili protiv, kaže izrekom i kaže imenom i prezimenom, počevši od mene da li smo bili korumpirani, jesmo li uzeli novac i da li mi to tražimo haos u Kanton Sarajevo? Ozbiljna sigurnosna optužba. Ozbiljna i neću da budem pod paskom bilo koga ko me denuncira i ko traži od mene na reketaški način da odgovaram za ono što imam kao zastupnik izabran od građana. Svako od nas da glasa po demokratskom dogovorenom, ustavnom i zakonskom odredbom. I zato tražim od zastupnika da me podrže u ovom zaključku. Da izglasamo ovaj zaključak u kojem izjavom i izrekom Kantona Sarajevo treba da raspravimo o ovim pitanjima i dođemo do odgovora da li su tačni navodi da oni koji nisu glasali za izjašnjenje ministra su korumpcionirani, lopovi, kriminalci, fašisti i sve ono ostalo što se moglo dalo naslutiti.

Predsjedavajuća:

Ja imam jedno pitanje za kolege. Svaki poslanik/zastupnik ima pravo da pozove kolege u Skupštini da se o nekom njegovom prijedlogu izjasne. Zbog ekspeditivnosti, oprostite molim vas, ne znam ja inače nisam tiha, zašto me ne čujete. Dakle, pitam kolege podsjećajući da svi poslanici imaju pravo da neki svoj zaključak ili prijedlog stave na izjašnjenje. Mene sada samo zanima hoćemo li mi potrošiti vrijeme raspravljajući i nagovještavajući hoćemo li podržati ili nećemo ili ćemo se prvo izjasniti o ovom zaključku a onda da govorimo sve ono što smo imali na umu. Pitam vas to zato jer već imam trojicu kolega prijavljenih. Bilo bi ekspeditivnije da se prvo izjasnimo o zaključku kolege Mehmedića. Ali je to samo moje glasno razmišljanje. Nemam pravo da vam sugerišem da da ili ne. Još uvijek nismo donijeli zaključak da ćemo raspravu po tački 1. voditi. Zato vas molim da me ne dovodite u situaciju na početku nastavka ove sjednice da otvaram raspravu za koju još nismo rekli da je. Evo poslovnička intervencija gospodin Konaković.

Poslanik/zastupnik Elmedin Konaković poslovnička intervencija:

Zaista se tiče Poslovnika. I referiram se na prijedlog zaključka pošto je suprotan Poslovniku. Žao mi je što se nismo razumjeli na Kolegiju jer ja bih prijedlog zaključka koa što sam do sada dva puta uradio kada smo to tražili od ministra Bubice i predsjednika SDP-a Lagumdžije, isto bih uradio, bio principijelan i prema premijeru iz SDA da objasni navode koje je kolega Besim Mehmedić u drugom dijelu obrazlažući zaključak interpretirao i bio bih za. Na Kolegiju sam rekao i mislio sam da smo se shvatili da zaključak je skupštinski akt koji uređuje ono što Poslovníkom nije uređeno. Poslovníkom je uređeno o čemu se raspravlja. I na koji način se utvrđuju dnevni redovi i tačke dnevnog reda. Nisam za da ubacujemo danas tačku dnevnog reda i na nju potrošimo tri sata na raspravu. Neću glasati za ovakav zaključak. Mislio sam da će zaključak biti sadržajni. Štiteći dignitet svakog zastupnika i nisam za to da bilo kojeg zastupnika bilo ko prozove sa govornice i da zastupnik na to nema pravo ni replicirati ni reći svoj stav. Ali nisam još više za to da kršimo akte koji su naš Ustav, naš Poslovník je naš mali Ustav u kom kaže da se zaključkom Skupštine uređuje ono što Poslovníkom nije regulisano. Kako se i o čemu raspravlja je Poslovníkom regulisano. I mi danas nemamo mogućnost da otvorimo novu tačku dnevnog reda na ovoj sjednici. Imamo mogućnost da glasamo o zaključku napravljenom na način kako kolega Mehmedić govori, a štiteći dignitet svakog od zastupnika i ne dozvoljavajući nikome da bilo koga prozove za nešto što nije argumentovano. Ako nije argumentovano. Tako da ja imam dva prijedloga. Jedan je da kolega Besim Mehmedić predloži novi zaključak koji ću ja lično podržati, govorim samo u svoje lično ime. A tražim pauzu od pola sata koju ćemo iskoristiti kao pauzu za ručak i poslije te pauze se vratiti ovdje i izjasniti se o tom zaključku. Ako ne odustaje ako ostaje kod ovog zaključka onda vi to stavite na glasanje ja sam rekao svoj stav. Hvala.

Predsjedavajuća:

Prije nego što dam bilo kome riječ moram da vas upozorim da ne znam po kojoj tački i po kom osnovu ja mogu prijavljenih pet kolega prozvati. Mi još uvijek nemamo poslovnički nikakav stav hoćemo ili nećemo voditi raspravu u ovom smislu. Prema tome sada je pred nama Zaključak gđina Mehmedića i prijedlog kolege Konakovića a diskusija o tom pitanju ili o bilo kojem drugom ja nemam gdje da strpam po Poslovníku zaista nemam. Ne postoji Poslovníkom predviđeno da šest poslanika ili deset ali trenutno ih ovdje pet govori o nečemu što je potpuno nedefinisano. Tema je definisana. Nije definisana tačka. S obzirom da vam je gospodin Konaković uputio jedan prijedlog, gospodine Mehmediću molim vas da se izjasnite.

Poslanik/zastupnik Besim Mehmedić:

Zaista replika uvaženom kolegi Dini Konakoviću. Prvo odgovor ja neću povući ovaj zaključak. Ja razumijem potpuno i nije izašao iz okvira što je njegovo pravo da diskutuje ali ja nemam namjeru da objašnjavam ovo u zaključku jer nemam ni vremena, a flagrantno kršenje i nastup onoga što je bilo za mene je dovoljan argument da to možemo dalje raspravljati. Prema tome ja zaključak neću povući i tražim da se o njemu Skupština izjasni.

Poslanik/zastupnik Mirsad Pindžo replika:

Pošto je ovaj zaključak predložen u ime kluba, imam repliku kolegi Konakoviću na način da ako očekuje od nas da napišemo zaključak da osudimo istup premijera a bez prilike da premijer javno imenom i prezimenom i za bilo koju stvar koju je izrekao za govornicom nema priliku da odgovori, mi to nećemo uraditi. Obzirom da ste prekršili Poslovník dajući premijeru jer je on zloupotrijebio Poslovník, ova Skupština kontroliše i bira premijera i kontroliše njegov rad i rad Vlade, a ne premijer skupštinu. Ono što je premijer izrekao zloupotrijebivši govornicu i Poslovník o radu Skupštine Skupština Kantona Sarajevo je vanredna situacija, u smislu našeg poslovnika. Zato i tražimo da damo priliku premijeru da od mene lično izađe za govornicu i kaže,

Mirsad Pindžo tražio to i to, ja mu nisam dao, prijavio MUP-u, ili mu dao pa nisam prijavio. Od mene pa sve redom. I nakon toga skupština ima pravo, oni koji su optuženi i oni koji nisu da nakon te rasprave zaključuju i donose zaključke. Donositi zaključke, osuđivati a ne dati priliku onome ko je optužio da konkretno izađe prema svakom zastupniku na način da premijer kontroliše ovu skupštinu, zloupotrebljavajući govornicu, zloupotrebljavajući kamere, to vam niko nema pravo. Obzirom da to nije uređeno našim Poslovníkom, a članom 3 poslovníka upravo je rečeno da ono što nije definisano definiše se zaključkom Skupštine, i zato tražim da se Skupština izjasni da otvori raspravu da premijeru da priliku da optuži javno bilo kojeg zastupnika za ono što je izrekao a onda naravno da otvorimo raspravu i da donosimo zaključke. Hvala lijepo.

Dopredsjedavajući Naser Nabil poslovnička intervencija:

Hvala gđo predsjedavajuća. Mislim mi smo na Kolegiju pričali sasvim nešto drugo. Nismo govorili uopšte da li se radi o optužbi premijera ili ne optužbi premijera. Nego smo govorili o nešto što nije regulirano Poslovníkom a to je nakon što izlaganje premijera ima li zastupnik bilo ko od nas 35 pravo na repliku odnosno na odgovor. I to je ono što je ova Skupština prakticirala. Jel to bilo u skladu sa Poslovníkom ili ne, ali nije regulirano. Ono što je rekao kolega Konaković ovaj zaključak je već predviđen članom 3 poslovníka i nema potrebe ono što je uređeno da ponovo donosimo zaključak. Jedino ako se promijeni suština ovog zaključka i što sam iznio na Kolegiju, a to je, da zastupnici ne samo današnjim istupom premijera ili tako dalje, ukoliko nakon što dolazi do izjave bilo kog nakon zaključene rasprave i izvršenog glasanja da zastupnici svih nas 35 imamo pravo na repliku odnosno na komentar. To je suština što je bilo na Kolegiju bez obzira da li se radi o današnjem istupu ili jučerašnjem ili za deset dana ili za 15 dana. I molim vas kolega Mehmediću dajte uredite ovaj zaključak u skladu sa onim što smo dogovorili na Kolegiju da bi mogli glasati. Ja ću podržati vrlo rado. Ali ovo je već uređeno Poslovníkom i to piše vrlo jasno.

Poslanik/zastupnik Elmedin Konaković replika:

Mene ne zanima sadržaj rasprave koja bi se trebala desiti. Mene zanima hoće li se ona ovdje desiti. Nema prostora, neka ljudi objasne u kom dijelu poslovníka su našli prostor da uvrstimo novu tačku dnevnog reda na sjednicu u kojoj je definisan dnevni red. Deset mogućih načina na koje se reaguju mimo medijski znači i pismo Kolegiju da se o ovom istupu raspravlja na narednoj tački je također moguć. Svako od kolege ima pravo predložiti tačku dnevnog reda Kolegiju koji istu utvrđuje i prosljeđuje Skupštini. Ja samo govorim o proceduri i nisam bio tako brutalan kako je kolega Pindžo interpretirao pa rekao da osudimo unaprijed nešto, ja sam samo bio principijelan kao i svaki put do sada. Nismo raspravljali, nije bila tačka dnevnog reda kada je ministar Bubica imao medijski nastup. Kada je predsjednik Lagumdžija imao medijski nastup. Nismo to pravili kao tačke dnevnog reda. Ja neću da kršim Poslovník i procedure. Imam stav. Rekao sam ga javno ali neću neka mi neko objasni u kom se dijelu poslovníka može naći način da Skupština zaključkom uvrsti novu tačku dnevnog reda da se o njoj raspravlja. To je nemoguće. I ja u tome neću učestvovati. I zato u ime Kluba SDA tražim pauzu od pola sata. Po Poslovníku dajte mi je odmah.

Predsjedavajuća:

Po Poslovníku moram na žalost pamtite gdje ste. Nemojte ukidati svoje prijave. Po Poslovníku pauza ali molim vas da bude pola sata.

NASTAVAK NAKON PAUZE

Predsjedavajuća:

Ja molim kolega da zauzmu svoja mjesta jer počinjemo sa nastavkom sjednice. Ne počinjemo iam još kolega koji pričaju stojeći u Sali. Ili nek izađu iz sale il nek sjednu na svoja mjesta. Poštovane kolegice i kolege evo nastavljamo s tim što ja još jedanput moram da naglasim prije nego što se budemo izjašnjavali o zaključku ja mogu riječ dati u dogovoru sa dopredsjedavajućim samo kolegama koji imaju replike. Raspravu ne možemo otvarati ako ne donesemo zaključak da ćemo na kraju prve tačke dnevnog reda, zbog ovoga što piše u zaključku otvoriti raspravu o izlaganju premijera. Ali ako su među prijavljenim kolege koje hoće da repliciraju ili predlagaču zaključka ili inicijativi ili poslovničkoj intervenciji koja je bila, ti mogu dobiti riječ. Ja imam prijavljene gospodina Hošića, Zekovića, Pindžu i Mehmedića. Molim vas recite šta je od toga replika. Gospodin Hošić replika. Kome? Izvolite.

Poslanik/zastupnik Mujo Hošić replika:

Replika premijeru Zeljkoviću nije bilo dovoljno ono što je rekao u toku Skupštine. Ja obično ne komentarišem javne istupe pojedinaca ali vijesti koje sam gledao gdje je spomenuto i moje ime da su ljudi koji su, evo da ne citiram, Hošić, Zeković, neovisni Mehmedić i ostalo ja mislim da to ide na obraz premijera. Ja bih volio da dođu jer mene uopšte rezolucije, zaključci ne interesuju, ja bih volio, precijenimo sam neke stvari koje je taj čovjek radio, da izađe javno za govornicu pošto je iste te stvari rekao u kameru, da kaže, da li je Mujo Hošić i SDU u prethodnu godinu tražili išta. Da li Mujo Hošić u pedesetom koljenu ima bilo koga u UO? Da li Mujo Hošić i SDU, istinski SDU ima jednog direktora. Ja nemam ništa protiv, ako je to istina onda ja prihvatom izjave premijera. A pošto to nije 100% isitna bilo bi korektno da kaže, u afektu je rekao te stvari. U protivnom ja mislim da ovo više nema smisla. Nama slijedi svakako teška godina što iz objektivnih, što iz subjektivnih razloga način komunikacije između izvršne i zakonodavne vlasti. Ako će to biti način komunikacije, to ne vodi nigdje. I evo kažem ja, ja u najmanju ruku očekujem ne mora to biti izvinjenje. To ne znači ništa. Da premijer pojasni izjave koje je dao za ovom govornicom i izjave koje je dao u vijestima nakon one prve pauze.

Poslanik/zastupnik Enes Zeković replika:

Sve što je kolega Hošić rekao u potpunosti se slažem. Ono što želim da kažem neprimjereno je od strane urednika ili nekoga ko je uzimao izjave sa TVSA a da nije uzeo izjave od onih koji su prozvani. U ovom slučaju mene, gdina Hošića i svih Hanke Vajzović, profesorice uvažene i nezavisne zastupnike da i te izjave objavi. Ja samo želim da ponovim nešto što sam rekao prije osam, devet mjeseci da nisam dio parlamentarne većine i ja apsolutno ono što je premijer izgovorio ovdje i što je dao izjavu na TVSA voli bih da odgovori jesmo li ja i on kakvog kontakta imali za ovih devet mjeseci a kamo li nekakvih pritisaka u vezi ovoga ili u vezi onoga? Tako žao mi je što premijer nije ovdje prisutan da odgovori, kako meni tako svima nama. Taj njegov stav i ove njegove izjave. Enes Zeković je zastupnik u Skupština Kantona Sarajevo, Enes Zeković zastupa interese Novog pokreta BIH i svoje lične i govorim ono što mislim. Što je za dobrobit građana Kantona Sarajevo. I nije tačna njegova izjava da smo mi ti koji glasamo apsolutno sve protiv onoga što vlada Kantona Sarajevo predlaže. Pogledajte sve sjednice iza. Sedam osam sjedina od kako nisam u parlamentarnoj većini i sve što je bilo u interesu građana sve sam podržavao. I želim ovo da se objavi na onu izjavu, to valjda zaslužujem kao zastupnik Skupština Kantona Sarajevo , to najvjerovatnije da imam pravo kao zastupnik da tražim od urednika TVSA da se objavi pored izjave premijera Kantona gdina Zeljkovića.

Poslanik/zastupnik Mirsad Pindžo:

Moja namjera i namjera ovog Kluba je bila da premijer javno isto kao što je javno optužio bez argumenata izađe i kaže konkretno imenom i prezimenom i konkretna aktivnost, radnja bila nečasna ili nezakonita. Ja se neću prati da nisam dio parlamentarne većine. Ovaj Klub je podržao

ovu Vladu i uvijek je podržavao i podržavat će je za sve ono što misli da je u redu. I nema uopšte da se pravdam jesmo ili nismo dio parlamentarne većine. Za imenovanje ministra obrazovanja niti nas je ko šta pitao, i premijer ima prava da se ljuti zašto smo mi tako glasali. Ali je trebao bar upitati pa jeste li vi zato. I da mu kažemo jesmo ili nismo, i zbog čega nismo. Što se tiče njegove izjave, zato sam i tražio da se otvori rasprava da javno kaže, a pošto ga nema, ja predlažem premijeru i tražim od njega da javno u medijima i za ovom govornicom i pred kamerama ili u novinama ili bilo gdje kaže imenom i prezimenom, krenuvši od mene, ko je i ministre u Vladi, naravno pojedinačno, u kojem kabinetu, od kojeg ministra od njega ili od bilo koga drugoga, sam ja ili bilo ko od mojih kolega, jer nemam tih informacija, a dobro vladam informacijama, tražili privatno išta ali doslovno išta za sebe, za svoju porodicu, za bilo šta drugo. Ako premijer misli o imenovanju NO, i direktora da se mi ne pravimo naivni, svaka vlast počiva na političkom sporazumu, o ciljevima koje treba da ispunjava i da radi, a drugi dio je i o pravu predlaganja za određene pozicije. Mimo tog politički potpisanog sporazuma, neka bilo koji ministar ili bilo koji službenik i premijer izađu i neka kažu javno. A optuživati na ovaj način i onda pobjeći. Ja tražim ovo. Ako premijer neće javno da izađe za govornicu i u medijima optuži mene ili bilo koga drugog na koga je mislio da je nečastan, korumpiran, privatne interese, ja ga onda pozivam da podnese ostavku. To bi najbolje bilo. Ovo što je on danas izjavio bez obzira na njegovu frustraciju, ne odgovara poziciji koju obnaša, pokazao je da je nedorastao toj poziciji i u najmanju ruku iz svega ovoga ili će optužiti javno i dostaviti dokaze ili neka podnese ostavku. Ja to od njega tražim. Tražim da , ne meni, ili neka nas optuži, dostavi dokaze onima koji trebaju da procesuiraju ili neka časno podnese ostavku ili nek nas ne zamara budalaštinama jer ovo ne znam kako bih više nazvao. Nebulozama. Iznijeti ovako a biti premijer Kantona bez i jednog argumenta, bez i jednog imena, to ne znam uzdržat ću se od kvalifikacija a imam vrlo rječite kvalifikacije kako to izgleda i kako bih to nazvao. Ali obzirom da vodim računa o javnom nastupu, neću. Suzdržat ću se zbog digniteta ove Skupštine pa i pozicije premijera Kantona Sarajevo. A ne Suada Zeljkovića. I zato još jednom, i završavam s tim, pozivam ga da javno izađe imenom i prezimenom, bilo koji ministar, ili premijer da kaže imenom i prezimenom da preda nadležnim organima ili da podnese ostavku. Hvala lijepo.

Predsjedavajuća

Hvala lijepo. Gospodin Mehmedić također replika. I onda zaključujemo ovu priču.

Poslanik/zastupnik Besim Mehmedić replika:

Hvala gđo predsjedavajuća replika i gđinu uvaženom Dini Konakoviću, dobronamjerna. On je komentirao način na koji ovaj zaključak treba da bude izglasan na ovoj Skupštini. Ja to potpuno razumijem i on je postavio pitanje da li ja odustajem od zaključka. Ja ne odustajem od zaključka u tom smislu. A replika je upravo na ovo što se danas desilo, jednostavno i mislim da je izvan svakog okvira bilo čega što se zove u ovom društvu, u BIH danas se svi zalažu protiv korupcije. Pozivam javno premijera Kantona da dođe danas i optuži svakoga za koje ima i trunku informacije da je osim političkog dogovora koji je bio, kao što reče moj kolega Pindžo i mi smo podržavali i ničim nismo ni odredili se kao Klub samostalnih nezavisnih zastupnika i ostajemo pri tome da podržavamo skupštinsku većinu kakva god ona bila. Ali današnji javni nastup i njegova izreka u tome da neće da radi sa kriminalcima i pominjanje porodica, definitivno njegovim današnjim istupom i mojim traženjem da dođe da to pojasni, me određuje u principu a ne zbog toga što volim nekoga ili ne volim, da li i na koji način na takve optužbe može neko kao čovjek preći. Jer ovdje se ne radi više o dignitetu nego se radi o korupciji, gospodin premijer je rekao da smo korumpirani, zato tražim izričito da dođe i da kaže koji su to dokazi korumpcionastva da bi ova država konačno mogla biti počevši od mene i svakog od nas ko ji sjedi ovdje ili bilo koga u ovom gradu koji to radi, obnaša kao javnu dužnost. I moj zahtjev za

ovaj zaključak nije bio ličan. Nego zastupnički. Ne može neko izaći iz okvira zakona i ustava, jer je obavezan da ga štiti. Nekoga optužiti i onda otići kući i sakriti iza nekih medijskih izjava, definitivno ne određuje kvalitetu ovog društva kako god to izgledalo. Važnije je ono što će građani Kantona znati da jednom krenemo u to, pa makar svako od nas bio, ja prvi da riješimo to pitanje korupcije. I zato zahtjevan i tražim do predsjedavajućeg da se stavi ovaj zaključak i pozivam javno premijera da dođe na ovu sjednicu i da pojasni svoje navode koje je rekao u svom istupu poslije izglasavanja povjerenja Vladi za ono što nije Vlada dobila člana u Ministarstvu obrazovanja kao ministra. Hvala.

Predsjedavajuća:

Hvala lijepa. Dakle nemam ja više prijavljenih za replike. Meni je preostalo sada da vas podsjetim da nam je gospodin Mehmedić u ime Kluba samostalnih zastupnika podnio zaključak kojim traži raspravu o istupu premijera ne novu tačku. Jer to pred sobom imate zaključak. Nije nikakvo uvrštavanje nove tačke, nego pošto Poslovníkom nije predviđeno da se poslije završetka glasanja i nakon obraćanja nekoga od predstavnika Vlade ili premijera može raspravljati na ovakav način. To je kolega Mehmedić zaključio da se može na osnovu člana tri Poslovníka obratiti poslanícima. I ja vas molim da pristupimo izjašnjenju hoćemo li danas obaviti raspravu o istupu premijera ili nećemo prije nego što pređemo na drugu tačku a u okviru prve tačke.

Molim vas da pristupite glasanju.

Od 31 prisutnog 28 kolega je pristupilo glasanju. Za je glasalo 21, 7 je bilo sadržanih, 3 nisu pristupila glasanju.

Dakle usvajajući zaključak gđina Mehmedića meni ne preostaje ništa drugo nego prije nego što vama dam riječ da zamolim nekoga da pozove premijera jer sušta pristojnost nam nalaže da ne govorimo o istupu nekoga ko nije trenutno prisutna. Mora se moći očitovati. Ali evo pošto vidim da imate intervenciju gospodin Mehmedić pa gospodin Pindžo:

Poslanik/zastupnik Besim Mehmedić:

Molim vas ja mislim da je neko od predlagača za ovu drugu tačku prisutan od Vlade ako ima dozvolu od premijera da može, zbog hitnosti dešavanja a da budemo korektni u svemu tome ja ne znam gdje je premijer, normalno da ovu raspravu i zaključak nećemo bez njega raditi, pa da u međuvremenu ako ima ovlaštenih predstavnika Vlade da objasni tačku, da to radimo i da sačekamo poslije tačke da obavimo raspravu po ovom zaključku.

Predsjedavajuća:

Hvala vam lijepo što ste me preduhitrili ja sam upravo htjela da predložim da dok čekamo premijera ako je predlagač u ime Vlade jeste ministar Bubica je tu. Ja bih onda čekajući da ovu raspravu obavimo pozvala povodom druge tačke dnevnog reda, a to je Odluka o davanju saglasnosti KJKP Gras za ponovno zasnivanje hipoteke na nekretnine zamolila gđina Bubicu da elaborira ovaj zaključak Vlade koji ste upravo jutros donijeli.

AD – 2.

ODLUKA O DAVANJU SAGLASNOSTI KJKP GRAS ZA PONOVRNO ZASNIVANJE HIPOTEKE NA NEKRETNINE

Ministar Jusuf Bubica: UVODNO IZLAGANJE

Predsjedavajuća:

Hvala ministru Bubicu. Po ustaljenom našem običaju propisanom Poslovnikom čuli ste obrazloženje, prvo su na redu pitanja pa onda diskusije. Ima li pitanja.

Poslanik/zastupnik Mujo Hošić:

Pitanje za ministra. U svom izlaganju stalno ponavlja prijedlog menadžmenta Grasa. Konkretno pitanje, da li vi kao resorni ministar predlažete prihvatanje ove odluke?

Dopredsjedavajući Naser Nabil:

(Zastupnik nije bio uključen od početka govora) oni, oni. Vi nećete izgleda da preuzmete odgovornost kao resorni ministar i reći Vlada je razmotrila ja kao resorni ministar predlažem na osnovu preporuke menadžmenta tog i tog nego uvijek govorite u trećem licu. Što meni zaista, smatram da je to atak na svoja moja moguća čula sluha a da ne govorim o inteligenciji ali nisam vas razumio kada ste obrazložili. Ovdje preda mnom je papir da se govori o tri stavke a to je Remiza kao upravna zgrada, zgrada servisa tramvaja, pa zgrada trafo stanice kao nepokretne imovine. U vrijednosti skoro 10 miliona. Da li je ranije bilo sa tim kreditom koji se sada zanavlja obuhvaćena i pokretna imovina pa sada se oslobađa pa samo ostaje na nepokretnoj imovini? Ne razumijem niste bili decidni u stavu. Molim vas da to samo izjasnite. Hvala.

Poslanik/zastupnik Kenan Ademović:

Samo pitanje za ministra. Ako nam može ovdje dati informaciju koja je to pokretna imovina, pretpostavljam da su autobusi, minibusi, trolejbusi ili već ne znam ti koji su u zalogu i da li će se ista ta pokretna imovina iskoristiti za poboljšanje saobraćaja u Kanton Sarajevo? Hvala lijepo.

Ministar Jusuf Bubica:

Da pokušam da idem redom. Dakle prvo pitanje da li je to mišljenje ministra ili Vlade ili je zahtjev menadžmenta ovo je pokrenuo inicijativu jutros menadžment preduzeća Gras i mi smo došli u situaciju da donesemo odluku i da se opredijelimo na ovome. Vlada čak nije uspjela niti da zasjeda. Mi zbog hitnosti stvari dakle zbog hitnosti zahtjeva da ne bi porezna uprava ponovo blokirala račun preduzeća Gras i da ne bi u hitnoj sjednici raspravljali o načinu i modalitetima deblokade menadžment je predložio ovo šta je predložio, dakle da se dio založene imovine bankama oslobodi na način da se dio nepokretne imovine koja jeste već založena, ali banka traži da ova Skupština donese odluku i da saglasnost za njen zalog, da bi oslobodila pokretnu imovinu. A pokretna imovina jesu autobusi kojima raspolaže preduzeće Gras. Dakle to bi bio odgovor na sva vaša pitanja. A da li ja kao ministar stojim iza toga ili ne, ja bih prije rekao da ne stojim jer moja globalna izjava i moj globalni stav je poznat i ovoj Skupštini i Vladi Kantona i javnosti Sarajeva. Ja znam da sva ova rješenja ne vode ka konačnom rješenju jer preduzeće Gras bez obzira na ovo sve dalje tone, dalje stvara gubitke i mislim da bi ovim rješenjem samo prolongirali konačan kolaps koji neminovno slijedi. A da ga moramo prolongirati, ja mislim da moramo, jer šta ćemo ako nam se on desi neplanirano, iznenada. Dakle ja podržavam privremeno ovo kao privremeno rješenje kao nešto što će ublažiti situaciju a ne kao konačno i trajno rješenje.

Dopredsjedavajući Naser Nabil replika:

Gospodine Bubica ja vas pozivam da date ostavku. S obzirom da vi nećete da štite imovinu Kantona Sarajevo a Gras je sastavni dio ove imovine i ne vjerujete u spas Grasa. Onda nema svrhe da budete na ovoj poziciji koju imate. Ako su oni prodali 2000 karata kako su napravili veću kontrolu, ako oni hoće da kupe 100 autobusa koja su rabljena da bi obnovili ova Skupština

je donijela određene zaključke i vi ste protiv tih zaključaka. I zbog toga je vaša ostavka neminovna.

Dopredsjedavajući Kemal Ademović ispravka krivog navoda:

Dakle ja čitam dokument. Jeste od 23.01. kome je u potpisu premijer koji ste vi dobili na klupama i zaključak kaže da se utvrđuje prijedlog odluke da se itd. Da je ukupna vrijednost nepokretnih stvari. Predlaže se Skupština Kantona Sarajevo u stavu 3 da u skladu sa Poslovnikom Skupština Kantona Sarajevo donese odluku iz tačke 1 ovog zaključka. Što znači da je Vlada stala iza ovog dokumenta. Na dokumentima koji su ovdje u potpisu, menadžment Grasa jedno je predsjednik Skupštine preduzeća, datum je 11. 12.2013. Na dokumentu koji je dostavljen u potpisu generalni direktor dostavljen Ministarstvu saobraćaja i Vladi Kantona je 16.01. hvala.

Predsjedavajuća:

Ja sam otvorila raspravu. Prvi se prijavio Zaim Backović. Izvolite.

Poslanik/zastupnik Zaim Backović:

Mi kao Skupština donijeli smo zaključke u cilju pokušaja spašavanja firme Gras. Obzirom da se ovdje radi o nečemu što je vezano kroz kreditni aranžman i potencijalnu blokadu računa to je u skladu sa mjerama koje smo mi donijeli kao Skupština. Prema tome, ukoliko smo mi donijeli mjere, onda mi treba da se konzistentno ponašamo. Radi se o evaluaciji jednog i drugog i prenosu sa jednog na drugog u istom materijalnom iznosu koliko sam ja shvatio. Prema tome mi možemo donijeti odluku i protiv. Tu se ne radi o zaštiti ili ne zaštiti imovine Kantona jer ona je već založena. I to je nastupilo puno prije i ministra Bubicice i prethodnog ministra, puno ranije. I ne možemo njima spočitavati što smo mi donijeli zaključke o eventualnoj pomoći Grasu. Zato mi ukoliko smo svjesni onih odluka koje smo donijeli i onih zaključaka koje smo donijeli moramo biti konzistentni i ići do kraja. Ovdje se radi o identičnom hipotekarnoj ekvivalentu i zato mi jednostavno, kažem opet, možemo reći nećemo, nije problem. Ali onda mi moramo preuzeti na svoja leđa to što će neko ili neke institucije izvršiti blokadu računa firme Gras. Ovoliko za početak kao prva diskusija.

Poslanik/zastupnik Adnan Solaković replika:

Gospodin Zaim Backović na čelu sa gđinom ministrom Bubicom je doveo u zabludu i prevaru narod, klasično sada govorim, prevaru i obmanu upravo sada govorim vi za vi ovog zapisnika i zaključaka što smo mi donijeli. Zašto nije kada su zaključci doneseni za poboljšanje firme Grasa i dole ljudi što se pate čitavo vrijeme preko njih se lomi ova stvar, zašto nije otišao za binu i rekao da se to ne može uraditi. Da ti zaključci nisu realni. Sada da izlazi gospodin ministar donosi na o kreditu da nam opet mi skeptični da budemo da kaže da ovo ide u propast. Pa šta je onda ovo? Hajmo onda da kažemo ljudima da ih ne patimo da se zatvori više ta firma?

Poslanik/zastupnik Zaim Backović odgovor na repliku:

Ovo o čemu govori gospodin Solaković očito nije pročitao stenogram prethodne sjednice za koji je glasao. Ja sam u stenogramu te sjednice imam decidno navedeno odnosno citiramo sve što sam rekao i zamolio bih ga da pročita. Na toj sjednici sam govorio o problemima i govorio i nemogućnosti realizacije ali u svrhu podrške ljudima i pokušaju spašavanja firme ja sam podržao zaključke. Ali sam govorio da je nemoguće ih sprovesti. Pročitajte stenogram. I sada govorim mi smo te zaključke donijeli, i ako smo ih donijeli onda mi moramo biti svjesni konsekvenci tih zaključaka. Kao Skupština ništa više.

Poslanik/zastupnik Enes Zeković:

Zahvaljujem nadovezat ću se na sve rasprave koje su bile prije mene uz konstataciju, razgovarati o ovim zaključcima koji se danas predlažu da se dio imovine prebaci na jednu banku da bi se stvorila mogućnost da se kreditno zaduži firma za druga sredstva da bi mogla isplaćivati poreznoj upravi u ovakvom stanju nema smisla. Rata prema poreznoj upravi koliko sam ja informisan iznosi 500.000 KM mjesečno. S ovakvim stanjem u Grasu nakon mjesec dana Grasa je pod ključem. Što znači ili će Vlada sprovoditi zaključke ove Skupštine s jedne strane, a s druge strane provoditi firma zaključke svoje sa Skupštine ili mi nemamo o čemu da raspravljamo. Ova Skupština je donijela zaključke koje treba Vlada s jedne strane i firma s druge strane da ispoštuje, ako nisu sposobni i ako ne žele da ispoštuju one zaključke suvišno je da razgovaramo danas o ovim zaključcima. I zamolio bih i direktora firme i resornog ministra da izađe i da kaže ovdje nama jasno jesu li zaključci koje je donijela Skupština Kantona Sarajevo moguće da se realizuje ili nisu. Da bi mi mogli se izjasniti o ovim zaključcima. Inače donijeti odluku o zaključcima a ne realizovati one zaključke sa Skupština Kantona Sarajevo je besmisleno.

Dopredsjedavajući Naser Nabil:

Hvala gđo predsjedavajuća. Kolega Backović ja sam uredno dobio poziv da dođem na hitnu sjednicu koja je trebala započeti u 10 sati. Međutim ova sjednica je kasnila više od 40 minuta uz obrazloženje premijera da je Vlada morala hitno zasjedati zbog zahtjeva menadžmenta Grasa. Znači Vlada je imala hitnu sjednicu zbog koje je došlo do kašnjenja u početku same sjednice današnje Skupština Kantona Sarajevo. I ne može mi niko reći da Vlada nije nama predložila ovo što je predložila. A što sada ministar pere ruke od toga to je njegov lični stav. Ili što je kolega Ademović rekao, jedan, dva, tri šta kojim hronološkim redom je rađeno. Ono što mene zabrinjava da ministar ovdje stalno nama prognozira, bolje da radi možda tu neku meteorološku prognozu, da će doći do propasti Grasa. Pa vi ste izgubili i mi smo svi ovdje izgubili toliko dana vezano za Gras i doneseni su takvi zaključci u cilju spasa Grasa. Gospodine ministre vaši najveći izazovi u ovom mandatu je samo Gras. Vi nemate nekog drugog izazova vezano za saobraćaj u ovom kantonu kao najveći izazov vaš nego samo Gras. Ako su zaključci Skupština Kantona Sarajevo kao izvršni organ nisu obavezujući i ako vi smatrate da ovi zahtjevi menadžmenta nisu opravdani i da tu samo podržavaju agoniju, onda vaše mjesto, opet ponavljam nije na čelu ministarstva. Želim reći da su zaključci doneseni bez obzira da li je to imovina koja je bila pod hipotekom ili koja će biti pod hitpotekom. Nije naznačeno u zaključcima. Da li je to rađeno 2010 ili će biti rađeno 2017 godine. Govorimo o namjeri. Našoj namjeri da li je ova Skupština spremna da preuzme obvezu i mislim da je tada tematska sjednica bila tako postavljena i pozicionirana hoće li ova Skupština se baviti Grasom ili će ga poslati u stečaj. Ova Skupština je ipak izabrala put spasa za Gras i u skladu s tim svako njihovo nastojanje da inkasiraju više novca, da kupe trolejbusa rabljenih, da nešto urade naravno da će ova Skupština podržati. Ali očekivao sam od vas ministre da ćete vi zdušno nas koji možda neki kolebaju u odluci hoće li podržati tako nešto da ćete kroz vaše uvodno izlaganje reći e pa treba to podržati. Pogledajte koliko građana se vozi tim tramvajima i tim trolejbusima i tim autobusima. Pogledajte šta se desilo u Hadžićima kada se moralo kupiti dvije karte za jedan prevoz. Probajte se voditi gradskim prevozom pa uporedite sami i Centrotrans i Gras pa ćete vidjeti koliko će vam po džepu to doći. O tome mi govorimo. To je naš prioritet. Postavljanje novih linija, rasterećenje prigradskih i komplet saobraćaja i sve ovo drugo. Nije u pitanju 10 miliona u pitanju je život ovog Kantona. Vi ste vidjeli da kada je bio blokiran saobraćaj ovdje Graso grad je bio bukvalno mrtav. To je žila kucavica ovog grada i to treba da bude vaš prvi cilj i prvo nekako ono izazovno mjesto dan i noć. I trebate vi da budete inovativni i da nama predložite još zaključaka i još mjera kako da bolje poboljšamo. Jedino ako ne postoji neki drugi interes. O tome se onda da raspravljati. Ja vas molim da u buduće poštujući ovu skupštinu i nas zastupnike kada izađete ako niste uvjereni u nešto što je Vlada predložila a vi kao resorni, onda nemojte izaći. Jer time kršite i vašu profesiju i profesionalnost i ono za šta ste

vi zaduženi. Ja želim da se vratim na ovo s obzirom da je i direktor ovdje. Ja samo želim da neko odgovori da li će ovo rasteretiti i dati mogućnost Grasu da kupi te trolejbuse rabljene i koja je to vrijednost pokretne imovine koja će biti rasterećena odnosno oslobođena da bi se nešto kupilo. Koja je to vrijednost? Jel to isto 10 miliona, jel to 15 miliona ili koliko je to novca? Eto toliko s moje strane. Hvala vam.

Predsjedavajuća:

Mi imamo ministra Petrovića prijavljenog. Ako mislite da će nam pojasniti u daljoj diskusiji ali samo momenat. Ja imam prijavljenih još poslanika a oni na žalost imaju prednost.

Poslanik/zastupnik Zaim Backović replika:

Poštovani poslanice Nabile, identično kao i vi i ja sam došao na ovu skupštinu i isto čuo na početku Skupštine što i vi. Vi se meni obraćate poslanice Backoviću, pa sam ja negdje sa strane, m i smo došli i to čuli. I ja sam tu sa vama to isto čuo. Prvi put. Prema tome nisam ja izopćen iz ovoga što sam čuo nego na identičan način saznao ko i vi. I nemojte me lijepiti tu neku da ja nešto znam odnekle. Ne znam. Znam isto što i vi sada što sam saznao ovdje. Tako vas molim nemojte na taj način. I drugo, ne radi se ovdje o kupnji ili ne kupnji, radi se o realnoj opasnosti blokade računa po obavezama koje su konstatovane daleko prije nego što su ovi ministri i došli. I mi hoćemo da se sprovede mjere o njihovom spašavanju, a mi sada s druge strane razgovaramo da to nećemo da im podržimo. Ok. Hvala.

Poslanik/zastupnik Naser Nabil replika:

Ja samo pitam jednu stvar, jesmo li mi danas imali samo jednu tačku dnevnog reda. Jesmo. Jesmo li mi na zahtjev Vlade i premijera uvažili zbog hitnosti i stavili drugu tačku ovu dnevnog reda? Jesmo. Pa u čemu je problem? Ako je već stavljena na dnevni red kao hitna tačka dajte molim vas da to izjasnimo. Ali je trebao uvaženi ministar da izađe da kaže, da, ovo je jako hitno, ovo treba podržati molim vas da glasate za to, da zdušno kao, ja govorim, kritiziram izlaganje resornog ministra koje jednostavno prognozira, bez obzira radi ovo ili ne radili, donijeli, Gras propada. To ne može prvi čovjek ministarstva to govoriti. O tome se radi. Ako smo uvažili zahtjev vlade i resornog ministra i uvrstili kao tačku dnevnog reda, da budemo ozbiljni i da se tako ponašamo. Hvala.

Predsjedavajuća:

Evo gospodin Čomor, pretpostavljam i gospodin Radeljaš se slažu da će nas u daljoj raspravi možda malo prosvijetliti i ministar Petrović. Izvolite.

Ministar Zlatko Petrović:

Pozdrav svim poslanicama i poslanicima. Ja sam se konsultovao sa resornim ministrom, mislim da je viza vi nervoze i određenih stanova i resornog ministra i Vlade i ove Skupštine mislim da cilj razmatranja ovog razmatranja nije strategija razvoja, odnosno spašavanja Grasa nego momentalni potezi koji se moraju uraditi vezano za kreditno zaduženje koje je bilo iz 2004 godine, politikom koju je utvrdila ova Skupština 2011 godine vezano za preuzimanje kreditne obaveze od Kanton Sarajevo. Sva ova imovina je na bazi osnovnog ugovora založena i upisana u zemljišnim knjigama kao hipoteka. Sada se imajući u vidu da postoje obaveze Grasa prema poreskoj upravi, otvara se mogućnost sa otplatama djelimičnim od strane Grasa prema Raiffaisen banci i na bazi već ranijih procedura koje je uradila ova Skupština, Vlada Kantona i Gras, znači otvara se mogućnost da se obnavljanjem zasnivanja hipoteke na samo nekretninama oslobode pokretnine koje će biti predmet zaloge prema poreskoj upravi. To znači ne nikakva nova zaduženja. Ne nikakve nove kupovine, nego omogućavanje kolaterala za već ustanovljene

obaveze plaćanja poreza i doprinosa prema poreskoj upravi a na bazi određenih isplata koje već Gras uradio prema Raiffaisen banci. I ovo je predmet dodatnog ugovora koji je sklopoljen u julu mjesecu 2013 godine. A evo sada je na bazi zahtjeva Raiffasen banci, vjerovatno notara da bi se notarski obradila ova isprava o zalogu, potreba da i Skupština Kantona Sarajevo na bazi zakona o imovini Kantona Sarajevo donese adekvatnu odluku i da se ista provede. Znači, nema nikakvih novih nabavki nego održavanja onog stanja i omogućavanja kolaterala prema poreskoj upravi. Toliko i hvala.

Predsjedavajuća:

Najljepša vam hvala ministre, mislim da smo to svi već shvatili.

Poslanik/zastupnik Eldar Čomor:

Hvala predsjedavajuća. Upravo iz ovih razloga sam zamolio da prvo ministar objasni. Čini mi se da jedna nespreno izgovorena rečenica nas je totalno odvela u krivom smjeru i diskusija je otišla u pogrešnom tonu, oštrom tonu. Ja iskreno nisam ničiji advokat, pa tako ni advokat ministra Bubice, ali ga ja nisam shvatio u tom smislu da on govori na način da od ovoga nema ništa, već sam ga shvatio da on ne smatra da je ovo rješenje problema u Grasu, ali da podržava ovu odluku kao što je to Vlada učinila da se donese kako bi, ja sam ga tako razumio, da on stoji iza ove odluke a s druge strane ja kolege zastupnike ne razumijem zašto dovodite u pitanje vlastite zaključke? Mi smo donijeli zaključke na kojima treba da insistiramo. Ne treba da u njih sumnjamo već da insistiramo da se ti zaključci ove Skupštine provedu. Ovdje se konačno treba znati ko je kome šef. Ko je kome pretpostavljen. Mi Vladi, ili Vlada nama. Ako smo mi donijeli zaključke vezano za Gras, treba insistirati da se oni provedu. Ja sam lično ubijeden da mnogi zaključci koje smo donijeli će doprinijeti boljitku Grasa. A time i građana Kantona Sarajevo. Ako zaključci vrijede za uposlenike u Grasu, ako su pristali na određene ustupke u zaključku 1, 2 itd. I ako su u proteklih nekoliko dana radnici Grasa koji nisu kontrolori po funkciji koju obavljaju u Grasu izašli na stanice itd. Povećali naplatu sredstava i time poboljšali stanje u Grasu makar u ovom kratkom periodu. Smatram da i mi moramo insistirati na onim zaključcima koji se tiču i ove Skupštine ali boga mi i ove Vlade. I sigurno i mi i Vlada i menadžment Grasa i radnici Grasa zajedno možemo uspjeti. Ako bilo ko iz ovih stubova se pomjeri mislim da onda neće biti rezultat onako kako očekujemo. Hvala puno.

Poslanik/zastupnik Besim Mehmedić:

Hvala predsjedavajuća. U svakom slučaju da li je neko glasao za zaključke ili nije sada je irelevantno. Govorimo upravo o tački koja je bitna za Gras. Mene zanima ovo je sada hipoteka, znavljanje hipoteke. Da li, nisam mogao da iščitam i nisam ekonomski stručnjak, ali nešto se razumijem. Da li će ovo nešto skuplje biti u smislu novčanom kada dajete hipoteku, da li taj kredit koji se produžava ima u sebi još nešto dodatno novčano koje će opteretiti. Ja ne govorim zbog toga da neću glasati, nego istine radi da znamo ako ovdje stoji da je hipoteka ne znam 9 miliona, to mijenja prema onome ko daje kredit neke stvari. Ja bih volio samo da čujem da li je to skuplje sada za nekih 10 hiljada, 15 hiljada, 50 ili 500.0000? istine radi, znači unaprijed sam rekao, nemam sporno u ovom ništa ali me interesuje finansijski račun koji će biti za ovu radnju jer uvijek nešto, ništa nema džabe. Pa prema tome i ovo davanje hipoteke, ne ulazim u notarske ugovore. Oni se moraju platiti. Ne znam koje su tarife one su svakako velike. Ali me interesuje u kreditiranju i vraćanju kredita da li će ovo povećati kreditno zaduženje onoga ko treba da vrati taj dio kredita. Eto to je moje pitanje. Ako ima neko da odgovori, ako nema ja ću biti zadovoljan i tim.

Poslanik/zastupnik Nedžad Fazlija:

Zahvaljujem predsjedavajuća. Evo i mi kao Klub SDP-a moramo se uključiti u ovu raspravu. Shvatili smo šta je bit i poenta ove tačke i tako ćemo se i odrediti. Međutim ne znam da li je do mene što me u ovoj Skupštini već evo iz Skupštine u skupštinu neke nove stvari mogu iznenaditi, ali evo danas me je još nešto iznenadilo i dobro sam čuo, nisam previdio ili pogrešno čuo da je ministar rekao da ovaj prijedlog nema njegovu podršku. A ovaj prijedlog je došao od uvaženog premijera gdje sugeriše nama. Piše premijer. Dobro Vlade. Jel bitno? U biti ništa ne mijenja. Ministar je rekao da ovaj prijedlog nema njegovu podršku i stvara nam jednu dodatnu zabunu jer sada mi treba da vjerujemo, pored toga što vidimo da u ovoj Skupštini nema parlamentarne većine, sada mi treba da razmišljamo na taj način da ni u Vladi Vlada nema da tako kažem podršku svih ministara. U potpunosti se slažem sa većinom diskusija kolege Nabila jer mi kao Skupština smo se čvrsto opredijelili, bar većina nas zastupnika smo se opredijelili, na kraju krajeva nas je to i zakletva obavezala to smo već neki put i ponovili, ali evo i ovaj ćemo put ponoviti da ćemo u svakoj prilici štiti imovinu Kantona Sarajevo. Ja mislim da je i ovo prilika da mi štitimo imovinu Kantona Sarajevo i da trebamo sve na najpoštenijim namjerama, sa najpoštenijim čistih duša, srca i kako god hoćete pokušati da spasimo našu svijetla obraza da pokušamo spasiti ovu našu firmu. Naravno, evo opet ćemo ponoviti da onaj ko je doveo dovede našu firmu treba za to i da odgovara. I nadam se da ćemo mi u ovom, ako ne u ovom barem u nekom narednom mandatu da će se to pitanje više konačno riješiti ko je odgovoran za dubiozu ovoga kolektiva. Kada se tiče u pitanju zaključaka, evo jedna podrška, i mala replika, ali više podrška kolegi Čomoru. Mi kao Skupština ili mi bar kao Klub SDP-a ne odustajemo od onih zaključaka koje smo donijeli u cilju ozdravljenja ove firme. I mi insistiramo na sprovođenju ovih zaključaka. Također insistiramo da se svi zaključci nevezano da li su oni onih sedam koje je predložio menadžment pa preko Vlade nama i Skupština usvojila. I oni zaključci koje su predložili i zastupnici, također podržala Skupština oni trebaju da se tretiraju odnosno da budu u istoj ravni kao i oni prijedlozi od menadžmenta. Ja ovom prilikom pitam zašto se zaključak koji smo predložili o novom tarifiranju karata, o jednom novom načinu tarifiranja, na jednom pravednijem socijalno itd da sada ne obrazložem, zašto se taj zaključak se stavio u stranu, a raspravlja se samo odnosno u igri je zaključak o pet plus pet KM odnosno da se plaća 5 korisnici kupona a 5 iz budžeta. I dalje insistiramo na tim zaključcima. Toliko i hvala.

Poslanik Esed Radeljaš:

Hvala predsjedavajuća, pošto se ja prvi put javljam želim da poselamim i pozdravim sve prisutne kao i građane koji nas prate putem malih ekrana. Ja ne vidim razloga ovdje šta se ovoliko raspravlja ako je ovo 2012 godine sve pod hipotekom. Znači mi danas glasali il ne glasali ono je pod hipotekom. I to do 15.09.2015. a mi smo još ove godine. Znači još godinu imaju poslije toga. Znači današnja odluka da li glasali il ne glasali ovo je sve pod hipotekom. Ako već traži se reprogramiranje dvije godine, ne vidim razloga zašto to da ne damo ako su upitne samo dvije godine. Onda šta pravi problem? I želim da i javnost i skupštinu upoznam da UO ZZO je donio odluku da im dva mjeseca ovjerava knjižice iako imaju mjesečnu ratu 400.000 a pristalo se na 60.000 mjesečnu uplatu. Znači svi žele da pomognu ovom Grasu tako da trebamo se svi uključiti da ovo pomognemo Grasu. Eto toliko i hvala.

Predsjedavajuća:

Hvala i za ovu informaciju.

Dopredsjedavajući Kemal Ademović:

Ja imam jednu moralnu obavezu da se po ovoj tački javim i da kažem nekoliko rečenica. Dakle prije svega zahvaljujem i Ministarstvu i Vladi što su pripremili ovaj materijal i dostavili ga da bude uvršten na današnju hitnu sjednicu kao tačka 2. dakle, ova imovina koja se tretira ovim

zaključkom Grasa je pod hipotekom do 2017 godine. Dio te imovine koji se odnosi na pokretnosti banka je prihvatila da će osloboditi da bi taj dio mogao biti zalog prema upravi za indirektno oporezivanje radi repograma otplate PDV-a na dvije godine. Dakle kao što reče zastupnik Radeljaš pokretna imovina će biti naredne dvije godine založena a inače da se ne pravi ovaj aranžman sve bi ostalo do 2017 godine pod hipotekom Raiffaisen i nekih drugih banaka radi otplate kredita od prije. Dakle ovo je bila dobra volja banke da izađe u susret preduzeću u teškoj situaciji da mu oslobodi dio imovine da bi kao dužnik bio solventan da nastavi dalje da plaća kredit da se ne bi morala banka povlačiti hipoteku u slučaju da se ne mogu ni oni naplatiti. A ne bi se mogli naplatiti kada bi Uprava za indirektno oporezivanje blokirala račun zbog neisplate kako ste tamo vidjeli u medijima PDV-a u iznosu od nekoliko miliona tamo Gras je bio četvrti na listi dužnika. Dakle ja sam imao moralnu obaveznu zato što sam ja nazvao ministra ovdje prisutnog i tražio da ako je moguće, ako je materijal spreman da bude uvršten na današnju hitnu sjednicu jer to Poslovnik dozvoljava obzirom da se dnevni red ustanovljava na samoj sjednici. Dakle to je potpuna istina i ja koristim priliku da se zahvalim i ministru a i premijeru i Vladi što su promptno reagovali što je materijal stigao na klupu zastupnika a vas zastupnike bih zamolio da ovo podražite u konačnici ako ovo ne izglasamo sve ovo što je na papiru ostaje pod hipotekom do 2017. ako izglasamo bit će razdvojeno. Pa će jedno biti kao založno pravo naredne dvije godine a ostalo će i dalje ostati pod hipotekom do 2017 godine. Hvala.

Poslanik/zastupnik Mirsad Pindžo:

Ma ja ću vrlo kratko neću ponavljati ovo što su kolege već rekle, ovu malu zabunu koju je ministar izazvao Vlada se nije sastala, on nije zato, ne bih komentarisao. Ja predlažem da mi ovu priču završimo da danas bar nešto korisno uradimo jer niti će ovo spasiti Gras u cilju ozdravljenja ali ga hoće spasiti u odnosu da menadžment dobije priliku da račun ne bude blokiran i da se ide u sanaciju preduzeća u skladu sa onim zaključcima koje smo donijeli a ni oni neće biti dovoljni da to do kraja dovede proces ali da napravimo taj prvi korak bar ako ništa drugo da im ne blokiramo nego da im damo šansu da nešto urade. I predlažem da završimo tu priču da izglasamo ovu odluku i da bar nešto danas korisno uradimo. Hvala.

Poslanik/zastupnik Enes Zeković:

Zahvaljujem. Ja ću samo ponoviti jednu rečenicu, molim resornog ministra da u interesu radnika Grasa učini sve da se zaključci sa Skupština Kantona Sarajevo koji su doneseni što hitnije realizuju s jedne strane. A Gras s druge strane. Ponavljam, mi večeras i ja ću dići obje ruke da glasamo podržavam sve što je u interesu onih radnika dole. Ali , ponavljam ako ne budu realizovani zaključci nakon 30 dana od dana potpisivanja prva rata koja ne bude izmirena bit će blokirana sredstva Grasa. I tu je priča završena s Grasom. Da ne bude da nisam upozorio. Hvala puno.

Predsjedavajuća:

Ja nemam više prijavljenih i zaključujem raspravu.

I pozivam kolege da se izjasne o Odluci o davanju saglasnosti za ponovno zasnivanje hipoteke na nekretnine u vlasništvu kao sredstvo obezbjeđivanja po Ugovoru o kreditiranju sa Raiffaisen bankom. Dabome, saglasnosti se odnosi na KJKP Gras. Ako zbog stenograma treba mislim da treba jer je ovo materijal koji je tek sada došao, dozvolite mi samo da molim za minut vaše pažnje da pročitam ovu odluku. Sekretar kaže da ne treba. Imamo odluku koja ima tri stava. U stavu jedan imate tri tačke.

I molim vas da pristupimo izjašnjenju o davanju saglasnosti za ponovno zasnivanje hipoteke na nekretnine.

Nas je 30 elektronski prisutno. 3 nisu glasala. 27 je pristupilo glasanju. ZA je bilo 25, nije bio niko suzdržan i 2 su bila protiv.

Konstatujem da je Skupština donijela odluku na prijedlog Vlade o davanju suglasnosti KJKP Gras za ponovno zasnivanje hipoteke na nekretnine.

S ovim smo apsolvirali drugu tačku dnevnog reda. Ja ne znam ima li neko od predstavnika Vlade informaciju ima li se namjeru uvaženi premijer Zeljković vratiti na sjednicu?

Ja znam da Vlada zasjeda. Mene interesuje ako danas premijer ne može prisustvovati sjednici mi ćemo realizirati zaključak na prvoj narednoj sjednici prije početka redovne zakazane sjednice. A ona bi morala iti zbog Nacrta budžeta tada kada je planirana. Ima gospodin Mehmedić, ja neću da pustim vas da idete dok ne dobijem informaciju da premijer možda neće doći za deset minuta. Samo ćemo vidjeti to sada.

Poslanik/zastupnik Besim Mehmedić:

Predlažem pauzu od pola sata. Poziv je otišao prema premijeru sasvim je razumno ako se ne pojavi a nećemo nagađati vidjet ćemo poslije tih pola sata.

Predsjedavajuća:

Ja vas lijepo molim. Mi smo jutros ovdje od 10. imali smo dosta pauza koje nisu bile baš mnogo plodonosne. Premijer je čuo o čemu mi raspravljamo, u istoj je zgradi i ako ne može prekinuti sjednicu Vlade ili iz bilo kojeg drugog razloga nije u mogućnosti da dođe ovdje, nemojte dami za pola sata se tek razidemo. Ja evo mogu zamoliti sekretara da komunicara sa sekretarom Vlade i u roku od dvije minute ćemo dobiti informaciju hoće li se premijer pomoliti ili neće. Ali nemojte gdine Mehmediću da pravimo pauzu.

Molim kolege da samo za jedan minut uđu u salu.

Poštovane kolege dobili smo od sekretara gđina Kolašinac je komunicirao direktno sada sa premijerom sjednica Vlade koja traje se ne može prekidati. Premijer nas ne može počastiti svojim prisustvom i prema Poslovniku ovaj dio nezavršenog dnevnog reda koji smo usvojili kao zaključak, raspravu ćemo nastaviti, bit će kao prva nedovršeni dio današnje sjednice na narednom terminu skupštinskog zasjedanja prije redovne sjednice koju očekujemo uskoro jer je otprilike 13. februara će biti naredna sjednica.

Dopredsjedavajući Ivan Brigić:

Pošto sve ovo liči počinje i izgleda kao da smo mi u jednom cirkusu, niko nema pravo pogotovo premijer i Vlada da se tako odnosi prema skupštini Kantona. I predlažem da se to saopšti Vladi kao stav Skupštine. Ja sam uvjeren da svi zastupnici bez obzira na stranačku pripadnost neće i ne smiju dopustiti takav odnos Vlade prema Skupštini. Jer mi vršimo nadzor nad radom Vlade, a ne Vlada nad radom Skupštine. Ako ste saglasni ja predlažem da to usvojimo kao zaključak.

Poslanik/zastupnik Elmedin Konaković replika.;

Sve što je kolege Brigić rekao ja se slažem o nadležnostima. Ko je kome pretpostavljeni, ko je kome šef, ko kome treba da podnosi izvještaj i da ovo nije ozbiljno do strane Vlade. Ono što se ne slažem je što ste vi rekli da počinje. Ne to ovdje traje nekoliko godina i taj zaključak može biti samo retroaktivan. Da Vlade koje su ovdje prodefilovale u Skupština Kantona Sarajevo i svu neozbiljnost koju demonstriramo u zadnje tri godine uključivši i Skupština Kantona Sarajevo. Ja ću za takav zaključak samo glasati. Ovaj drugi neću hvala.

Poslanik/zastupnik Mirsad Pindžo:

Ja želim da poručim premijeru da ga nismo zvali na ručak jer on reče da ne bi s nama ni ručao. Nismo ga zvali na ručak. Ova Skupština je imenovala tog premijera i ovu Vladu. I najmanje što su mogli je doći i razgovarati o temi koja je stavljena na dnevni red. Naravno da ne smije da dođe jer bi onda morao podnijeti ostavku ili ono što sam već rekao javno imenom i prezimenom sa argumentima i dokazima optužiti ili podnijeti ostavku. I nimalo me ne iznenađuje. A što ste tiče zaključka apsolutno ste vi kolega Brigiću u pravu ali on neće dobiti podršku u ovoj Skupštini bez obzira što je prozvao i nečasne pojedine zastupnike SDA. I nema potrebe da o tome raspravljamo. Ja mislim da mi trebamo završiti ovu sjednicu a kada prvi put premijer dođe u ovu salu nastaviti tu raspravu jer ja neću odustati od toga da premijer javno za govornicom me optuži sa dokazima ili da podnese ostavku.

Poslanik/zastupnik Besim Mehmedić:

Uvažavajući zaista veliko iskustvo gđina Brigića, ja mislim da je to i civilizacijska i demokratska i ustavna i zakonska odredba da takav jedan dopis mi kao zakonodavni organ, ne dopis, nego zahtjev i neslaganje sa onim što je flagrantno kršenje i ustava i zakona. Mi nismo pozvali premijera na ručak i na ceremoniju. Mi smo ga pozvali da se izjasni o korupciji koji je on javno priznao. To samo govori u prilog da njega izjava je upravo suprotna. Zamijenio je teze. Očigledno da se gospodin premijer bavi puno korupcijom a nas proziva da mi moramo za to odgovarati. Zato mu poručujem da je njegova korupcija u ovome u ovom dijelu u kojem ne materijalnom nego korupcija u političkom radu, ne možete nekome njegov dignitet zastupnički na taj način spočitavati. I onda tražite od njega da preko toga pređe. Mi smo tražili da gospodin premijer dođe kao premijer i ponovi navvode u onom dijelu u kojem sam i ništa drugo. Ako nekoga smeta velika riječ ili snažna korupcija ja sam govorio o tome da se tako u društvu ne može niko ponašati, pogotovo što je on premijer Kantona i i ima veliku ulogu u svemu tome zbog javnosti a ne zbog naših uvrijeđenih sujeta. Koje mogu nekom i tako pretpostaviti. Ja barem hoću da kažem da nisam sujetan u ovome ali hoću da kažem da mu je neprimjeren postupak u svemu tome da dođe i objasni svoje namjere.

Dopredsjedavajući Kemal Ademović poslovnička intervencija:

Ovo je za mene, ovaj produžetak koji se može produžetak na produžetak itd sastanak bez dnevnog reda. Predsjedavajuća je rekla na prvoj narednoj sljedećoj sjednici prije otpočinjanja redovne sjednice tretirat ćemo ovaj zaključak. Time smo mi iscrpili današnji dnevni red. Sve ovo što se vi sada prijavljujete i nastavljate, replika duplika može trajati u nedogled večeras. Dakle ja vas molim predsjedavajuća da zaključite sjednicu onako kako ste već najavili, kao ste već zaključili i da nas raspustite ili da se razidemo. Hvala.

Predsjedavajuća:

Hvala vam lijepo, ja se nadam da ćemo samo još minut dati i gđinu Zekoviću i da ne otvaramo dalje raspravu jer nema smisla. Nije prisutan premijer, molim vas, upozoravam vas.

Poslanik/zastupnik Enes Zeković :

zahvaljujem gđo predsjedavajuća. Replicirao bih mom kolegi Ademoviću samo za jednu rečenicu. Prijatelju Kemale, ovo je pokazatelj, ne želim da spominjem ništa i da govorim o onome što je izrečeno ali govorim o odnosu Vlade i Skupština Kantona Sarajevo . To je bit ovog zaključka. I tu treba Skupština Kantona Sarajevo da odgovori već jednom na kojem mjestu je Vlada Kantona a kojem Skupština. Ovo pokazuje sasvim nešto drugačije.

Dopredsjedavajući Kemal Ademović odgovor:

Za sve postoje procedure propisane ovim Poslovníkom. I ovo što mi radimo sada je izvan tog Poslovníka, izvan dnevnog reda, sastanak bez dnevnog reda koji se nastavlja u nedogled. Ja lično nisam više spreman da prisustvujem, ja vam se zahvaljujem taman da neko me prozove, replika duplika, ja odlazim. Hvala vam.

Predsjedavajuća:

Završavamo za danas nastavak je u prvom narednom terminu. Hvala vam lijepo.

- 0 -

Konstatujem da je dnevni red 7. Hitne sjednice iscrpljen, zahvaljujem svim prisutnim i zaključujem rad na sjednici.